





顛頤集序

乙亥臘月吳子歿余賦詩六章哭之且矢之曰已矣余不復詩矣夫余敢自比伯牙哉傷逝者之不失聰而懼貽妄歎之嗤也既而及門諸子哀次其詩將謀諸梓請余序之余曰是非吳子意也諸子曰唯唯否否先生平日作詩隨手散佚不復省視我曹互相傳錄因以成集先生見之手加刪削自序其端是亦先生意也且先生序子之詩矣九原可作也子可無一言哉余受而讀之讀其自叙旨哉其言之也其所謂文質云者卽前哲意象之指也雲行天上蒸而為霽散而為霞水行地中御風而成文激石而成聲象也有意乎無意乎我不得而



知也雖然象矣斯意矣是天下之至質也天下之至文也故前哲之言曰意象合曰合意象離曰離知此者可與言詩矣言詩者祖三百太史公曰國風好色而不淫小雅怨悱而不怒離騷兼之離騷源于三百者也古詩取諸漢魏近體取諸三唐皆源于三百者也自鄒以下無譏焉後人才不逮古學無師承樂鄒下之易而畏反古之難為之文其說曰我行意也見談格律者則羣起而笑之而不自知其流于淺俗也淺之乎市語俗之乎蠻歌也詩云乎哉大樽先師論詩先嚴格律者蓋以救淺俗也五十年前吳子訪先師于廬居論詩極歡師嘆曰惜乎遇子晚也吳子至性過人而所生不辰孤懷幽憤煩冤菀結一往而深不拘一格而其論詩則必以師說為宗師豈有異說哉源于三百而已矣今人稱吳子詩輒曰此少陵也夫能知國風好色小雅怨悱之意而後可以讀離騷知離騷兼不淫不怒之意而後可以言少陵知少陵之為離騷之意而後可以讀吳子之詩知其意矣乃辨其象上士得其意而象生焉若琴之有高山水流水也中士見其意而審其象若水之別淄澠也下士執其象而遺其意求其意而失其象是猶井中之天不知雲霞之變化也坳堂之水不知江湖之浩蕩也土木之人不可與共言笑裸國之民不可與登廟堂也斯離合之辨也我讀吳子之詩于其合也察其離焉于其

離也得其合焉若空中之色絃外之響又有出于意象之表者我且不能自喻之而能喻諸人哉嗟夫知是道也豈惟吳子之詩少陵離騷三百篇一以貫之矣諸子習于吳子之性情而勉于學問故篤好其詩乃所謂不妄嘆者也吳子序余詩余安能序吳子詩吳子業自序之矣因其緒論而申言之若此

同學弟王

澧僧士氏撰

澧為陳臥子之弟子有漫遊紀畧
心遺老也其詩情未見

願領集序

盡都人士而從事于富貴也風斯下矣盡都人士而從事于田野也風逾下矣富貴者有才之人所不得未可知之數也而又有汚名田野者無托也且為之而無不成行之而無不得者也而名君子曰此壟斷之尤者矣天下三十六道秉耒而耕衣蒲而耘者不知幾千萬人若皆以為漢之龐參晉之元亮是天下嘗有幾千萬徵君肩摩隴上也盡罔牧之馬安足以駕翹車竭紅女之機安足以供纁幣豈不鄙哉是故數載以來遠近諸君子問余田事輒囁嚅不敢對誠愧之也吾友日千負絕羣之才騰驥曹陸而又處

世途變化之時朝涸暮盈海情河態重輕炎冷飽食數
年其才可以富貴其勢不可以不富貴而日千堅苦自
守屏跡荒山三旬而九食五月而披裘侮之不怒周之
不受如此人而伏處田野之中此所以高世而無愧者
也日千工詩出于天性總角時有所諷詠輒出入開元
大曆間年近三十悲憂慷慨百感積中而其詩益工變
者為龍雄者為虎華者為鸞高者為鶴四方之士得其
一篇莫不傳相繕寫而同社諸子推其壇坫亦在嘉隆
七子之尊濟南也日千每為詩屬草稿方定即為人持
去家無存者天石為之綴緝僅百餘篇十不能一日
千曰身將隱矣焉用文之以故不甚愛惜而嘗望之家
自傳寶之非日千意也鳳凰處乎瓊林息乎芝田玄天
黃露節感候發其鳴多矣而人不得聞惟岐陽之鳴偶
在人境後世遂相與誇道之非鳳凰意也天石曰吾甚
好吳子而畏吳子余曰吾甚好吳子而愧吳子畏者君
子之事愧者小人之事也如此人而與之同處田野之
中一在桑之上一在桑之下使四方之士目之曰此皆
當世之農夫也余焉得而不愧

瑯琊同學弟王光承撰

自序

杜子美云文章千古事得失寸心知既已自知何以不免于失自知而卒不免于失者質至而文不逮也質不至而文勝者傳不傳俱無繫重輕質者性情也忠臣愛君孝子慕親男女相感友朋相信性情膠結而不可暫解稱情而出而至文具焉又或厄于遇阻于讒中心煩冤不知所為萬不得已而鳴以自見如三百篇與離騷真質文兼至者也古詩三千亦有質不至者如唐棣之篇之類經夫子刪定十存其一固宜精審矣此外獨推離騷蓋忠愛之性纏綿悱惻不知有得喪不知有榮辱不知有死亡惟君父一念耿耿不化質如日月自然光

明質如金石自然鏗鏘質如龍螭自然變化一人之才
可敵十五國矣杜子美質近屈子而文遜之性情相似
而語有工拙得失相參實繇于此予本短才不敢望古
人百一年二十餘而遭鼎革竄身無地死喪相繼飢寒
困苦無可告語時寄情筆墨以宣其哀怨詩篇初成亦
復慰情隔日再覽多不慊意蓋意緒之至如電睽矢激
而詞稍覺緩也則不快矣意緒之多如千絲萬縷而入
扣者什一二則不快矣意緒之曲如羊腸百轉而詞頗
坦迤則不快矣蓋才思易竭則比興少比興少則風致
短而味易盡迴誦風騷不勝內愧故削除草稿聽其泯
滅而友人袁藥闡陳含美夏山侶蔣師楚胡南武諸君
輒為錄取久且成帙出以示予雖不能備亦將及其半
矣細取閱視可刪者居六七夫體裁格律之說吾黨最
嚴予亦素持此論然情亦有必至之境如哀則必哭哭
或慟絕樂則必笑笑或絕倒旁觀者譏其過而當境者
不自禁也予之詩其離于格律者不少矣友朋惜其散
失而欲存之予之文亦何足存殆哀其質也夫

九峰遺叟吳 騏日千氏撰

顛領集

華亭吳

騏日千著

樂府

烏棲曲

丹霞初散明蟾吐。採蓮歌發芙蓉浦。羅衣玉腕自操舟。
那能相遇不同游。月光西轉斗橫天。郎今欲去向誰邊。
蓮舟繫纜垂楊樹。栖烏驚起雙飛去。玉杯酌酒出宜城。
含羞坐對九枝燈。酒酣燈燼夜初殘。解衣薌澤散幽蘭。
搖花影。紗窓白。錦衾相對深相惜。日高猶未啟朱扉。



不須惆悵汝南鷄。

平陵東

乘雲車。駕八龍。不知何人誑劉翁。誑劉翁。閉天門。徘徊五嶽空。游魂游魂徘徊不得食。白雀在天樂無極。

明下童曲

遙聽馬蹄聲。沉吟知是汝。停機出棹看。脈脈各無語。下馬復上馬。那不暫徘徊。射堂東畔路。有人望儂來。

將進酒

嗚呼男兒生世值今日。相逢更復何所言。耳目無可實視聽。惟口尚堪供酒樽。乾坤古今是何物。細觴巨觥窮朝昏。但恐劉伶沉醉未及死。猶有螟蛉蜾蠃來譏論。

子夜歌

所歡竟不來。一夜立風露。猶恐傷郎心。不敢自言苦。纖纖手相似。妹有長指爪。昨夜燈下語。那得郎知道。門前暫一見。連日來殷勤。芙蓉已結實。蓮子定有心。

乙酉謠

上天勿恤國命其卒。用其噬獸。傷我稼穡。噬獸不嘉。下民何辜。億兆連連。于胥網羅。江水涸矣。舟楫薄矣。大命不再。祇自辱矣。臯月而歌。臯月而哭。闔有遺育。卒亡厥國。

北渡河

北渡黃河水。湯哉多洪濤。黃河水。湯哉多洪濤。砥礪過

雷霆連山為動搖。解一葭葦何淒滅。北風正蕭蕭。何淒滅。

北風正蕭蕭。鮫魚互出沒。龍鼉相騰跳。解二孤舟無維楫。

雪霏何飄颻。無維楫。雪霏何飄颻。危險靡津涯。愁嘆情

何聊。解三中心思南歸。所苦道里遙。思南歸。所苦道里遙。

鳳凰在網羅。羽敝容顏凋。解四黼裘何蒙茸。買餌無錢乃

何蒙茸。買餌無錢。刀膳夫隔江淮。晨饑苦虛枵。解五野死

諒不葬。道殣安能逃。諒不葬。道殣安能逃。念彼松柏歌。

哀音為嘒嘒。解六

大馬謚

猪朱也化龍者宏光大馬士英也此有都覆止時作

五猪浮渡江。一猪化為龍。化龍幾何時。大馬踏殺之馬。
在宮踏殺龍馬。在野人殺馬。

長溪行

福寧州守徐丙。晉華亭人也。以進士高第為州

廉正不撓。時羽檄盜午將相宗藩中使絡繹道

上。民甚苦之。獨福寧晏然。雖詔使至不得一馬

偽守入州。公擒殺之。徵為吏部郎。以母老辭歸。

州人為建祠。未竣而兵至。問所建何室。以公祠

對。亦咨嗟為助成之。

孝哀帝在時。長溪守徐君。本自江左華亭。吳民經明行

修。名聞朝廷。解一習知典故。歷世衣冠。起家比二千石。剖

符專城。曲意拊循。子養元元。解二除去苛政。施行慈仁。吏

不夜呼。盜賊亡奔。俸入以外。不私一錢。解三是時冒頓內

江不可禁。列侯大帥。皆輕薄少年。制詔守令。急輸軍興。
四君無妄賦。戢兵安民。討擊姦猾。擒獲偽官。正罪論棄。
市。懸首長竿。五賢哉賢哉。州守徐君。課最奏聞。皇帝召
入為主爵都尉。列于近臣。六母老多病。君無他昆。解職
奉養。夙夜勞動。居喪盡哀。以純孝聞。七天年不遂。早就
奄昏。祠在長溪城南。蠻貊夷狄。莫不稱傳。八
解

陌上桑

望雲中。見真人。駕兩赤龍。乘鸞輪。一邀仙輿。祈長年。賜
我靈藥。一玉杵。二服神丹。忽飛昇。手排閭闔。登紫清。三
謁木公。朝寥陽。爵以上卿。佩瓊章。四建赤幢。握神符。山
海百靈為前驅。五驅百靈。壽萬千。天地雖老我少年。六
解

瑯琊王歌詞

新買雪白馬。繫在廳事前。捋取臂上釧。打作金連錢。
連錢復連錢。連錢錦障泥。春風洛陽道。百蝶紅羅衣。
漢兵誅休屠。闔門死道路。幼女解琵琶。更得歡樂處。
金陵十二門。通濟多車馬。昨夜宿丹陽。今日到城下。
燕子得舊壘。不用更銜泥。郎渴莫求飲。但採樹上梨。

紫騮馬

獵犬逐猿猴。猿猴躍上樹。嫠婦嫁鰥夫。滅燭無他語。

幽州馬客吟

渴馬不擇水。飢馬不擇食。健兒貧欲死。那得不作賊。
蘭艸自言香。不採恐過時。女兒自言好。應使郎君知。

春風不開花。桃李當作薪。盛年不為樂。何得自稱人。
綵衣繡袂裙。隨郎到花間。却怪雙蛺蝶。先來游後園。

事君行

萬事不可預料。成敗聽于天。毀譽何足動心。禮義貴無
愆。龍比殺身進諫。身毀而名全。愚者進退失據。海隅有
飛廉。

欲遊南山行

玉食獻至尊。播植由農夫。犧牲享上帝。黍養以東芻。泰
山賴林麓。漸以成巍峩。大聖擇芻蕘。百姓興謳歌。
裘葛各以時。水陸異車船。器使無棄遺。萬物陳于前。榱
桷及棟梁。人材亦復然。君子善因人。社稷億萬年。

墻欲高行

勾萌欲達待震雷。婚姻欲成待良媒。潦水可以濯罍。漢
祖從諫。不拒輿儻。用賢無方。奄有九垓。欲持靈藥。謁蓬
萊。海水不可航。南望徒徘徊。

升天行

鍊氣服神丹。肌骨俱變更。竦身上虛空。萬里恣游行。天
門九重開。群仙起相迎。上帝召置酒。位我以列卿。
羲和持長鞭。六龍不暫停。崑崙東南路。日馭所必經。我
種白玉禾。珠穗黃金莖。烏飛啄其粒。赤輪駐不行。

公無渡河

公無渡河。公竟渡河。豈不忠言。公勿聽何。

公無渡河公竟渡河公竟已矣余將奈何
公無渡河公竟渡河生亦何為余將渡河

善哉行

邯鄲王孫玉食雕盤今立城下日肝未食解一死亡相驅

不憚執鞭望見故宮低首汗顏解二我我高山中有神仙

豈無靈藥吝不我傳解三咸陽獄吏縛我故交欲救無方

中夜撫刀解四醉日苦少醒日苦多汲汲為樂百年幾何

解五仙道幽微智者勿疑積慮感通松喬相攜解六

舟中魚

漁船集江市載水養巨魚蛟龍念戚屬扣舷問起居相
隔一寸水生死勢已殊覆舟爾所能救我將何如

捉搦歌

石臼已破麩粗糲敝衣難補截長袂偷兒去後嚴鍵閉
外孫已生覓女壻

誰家女子能行步路見少年屢回顧願得金錢雇隣姬
問取姓名與住處

芙蓉池水白如練女兒妝成自照面我我高鬟雙珠串
可惜無人此時見

雨中採薪葉尚溼炊飯不熟多生粒反目歸來掩門泣
自悔當年嫁倉卒

薤露

薤上露何易晞頭顱已馳三十里島中猶望田橫歸

萬里

傷心萬里誰家地。魂魄自智骨自愚。亦知一死不可謝。此際何必多踟躕。

孤鳳篇為陸麗京母夫人賦

麗京為莊氏私史舉幾連不測後雲遊不知所終

孤鳳棲高桐。鳴聲何啾啾。下有鴛鴦三四。光彩無與儔。夫君昔宦六百石。乘鶴歸丹丘。仲子侍中郎。鼎湖龍去攀髯上。逐軒轅。游伯子抗節不仕。採藥養母。柴車駕羸牛。阿母語伯子。忠孝大節古所求。汝能如是。吾復何憂。伯子跪白阿母。天道否泰有去留。大人強健進飲食。坐俟曜靈光九州。伯子獻樽酒。季子獻脯脩。諸婦進棗栗。諸孫起舞揚清謳。阿母一笑且為樂。為樂眉壽三千秋。

長歌行

嗷嗷鵙臯群。鳳凰苦無儔。皇心未悔。既下土孰能謀。猶狂據閭闔。診厲彌九州。窮奇助不直。仁義生悔尤。悔尤亦何辭。余心獲所求。寧為如絃死。不作如鈎侯。風濤雖可懲。何能廢方舟。霜雪天所為。松柏良不憂。人生各有志。豈與時沉浮。夷齊千載人。眷言願同游。

當古金喻歌

晨起奮耨鉏。暮擁千乘車。陷地成龍湫。何患不生魚。縱博得黑犢。負債不須憂。挺身搏單于。奪得金兜牟。羨女顏如花。駿馬走千里。健兒輕性命。破賊正為此。

楊白花

金陵春盡日。楊花飛滿天。東皇太乙竟何往。坐令爾輩恣狂顛。長干女兒淚如雨。傳語楊花且教住。本是我家池上生。何忍飛騰渡江去。

短歌行

徘徊丘陵白楊蕭疎。念我骨肉干秋黃墟。解一豈無少壯忽焉不存。自顧二毛嗟復何言。解二林中雙鳥翻飛挾雛。蟻休于垤亦云有家。解三我獨何為身如栖苴。憂來萬端日與死俱。解四天地廣大厄我豈私。父耶母耶胡然此時。解五觴酒在前強為笑歌。豈不欲樂憂如之何。解六

怨歌行

良人遠從征。十年猶未歸。賤妾居空房。形影自相依。歲儉苦艱食。朝朝入鳴機。寒絲脆易斷。朔風裂人肌。一死非所難。守節情不移。怨君不忘君。淚下如綆縻。生為孤鳴鵠。死為井底泥。忍死待君還。君還竟何時。

挽歌

賓客停素車。僕從駐白馬。聽我薤露歌。慰君重泉下。樂莫樂于死。天歎忽相捨。不受世故驅。更識形骸假。宇宙無窮憂。盡以遺生者。今我猶為人。憂來不能寫。觀化何遲遲。悵望對荒野。

薤露

惟漢十六世。播遷在海隅。任用非其人。棄德事苞苴。闡茸遽尊顯。妄賦恣侵漁。百匹授牙門。千匹分虎符。賊臣

先帝讐拔引登要途。列帥不受命。主上成寄居。敵人乘其隙。縱兵陷京都。宗廟以燔燒。墓木無遺株。君王既受敗。已亦先見誅。兆姓一焚溺。中原盡丘墟。顧瞻舊天闕。箕子為紮欵。

蒿里

黔南有勁將。自稱為漢兵。初期出沅湘。沿江指金陵。踟蹰不能前。王爵遽自尊。驕恣陵君父。當陞殺大臣。舉國懷震怒。部曲亦離心。不為衆所容。自知難復存。引兵降他國。假息留餘魂。智勇既兩失。身名亦俱淪。時事不可言。念之傷人心。

顧領集

華亭吳

騏日千著

五言古詩

集張吳東先生齋分韻得則字

虞夏日以遙。老成存典則。郊居幸多暇。過從屢晨夕。是時秋氣深。澄流見沙石。黃菊初作花。鴻雁遠為客。歲寒各自愛。斜景深足惜。觴酒相為娛。高談展胸臆。何必與古同。取快意所適。

送金天石游山左

相送臨河湄。悵然起嘯歌。念君今遠行。所求仍幾何。世故方未夷。滄海揚其波。出門非所願。皇皇為妻孥。居慚

鹿門耕行愧五噫歌貧賤違素志分手增滂沱

贈珂月上人

北郊地清迥雙扉掩花竹珂公師粲可端居守幽獨智
鏘斬縈繫神香散芬馥銜花鳥雀馴聽講蛟龍伏燠地
生寂照乾慧斷流瀑珠明燭三千結解忘一六世途吾
已厭梅子苦未熟何當依法筵薰修賴陶淑

贈胡匪石

重華日以遠九韶音亦稀皇風不可作朱鳳將安歸
戢翼幽巖中推顏少光輝竹實既失稔歲寒恒朝饑朝飢
亦何傷豈慕鷄鶩肥古澗亦有泉空山亦有薇取資良
已儉造物詎我違長此崑壑中白雲相因依

酬婁江許九日

海潮灌城邑阡陌俱江湖日暮不自謀為農夫良圖許
侯寔國士寔然來經過談論擬惠莊詞賦追京都以君
瑚璉姿廊廟良所須行當凌倒景豈復辱泥塗飛沉既
異性龍蠖亦殊途最矣登紫清吾其安故吾

新安葉氏以孝節著賦此以俟採風者

林烏能返哺令伯嘗陳詞黃鵠宛頸鳴樂府音最悲古
道久不作至性日以衰公卿且隳節庶人復何知葉翁
性孺慕懇惻繇天資割肌拯母危遑恤身不支子孫沐
遺訓文行世所推化及弱女子峻節皎素絲十九夫所
天之死心不移風雷昔震盪鰲極方躩踞衣冠工改圖

顏面強自施。不有此巾幗。何以人類為。陰陽分貴賤。斯言我疑之。苟能蹈仁義。宇宙爾所維。

贈方仲實

金鵝啄龍孫。海水沸天黑。巖巖正學公。臨刃不改色。灑氣塞兩儀。遺燼仍燕翼。文孫得仲實。嗜古忘寢食。詩篇脫常蹊。波瀾信曾臆。譬如雲出山。舒卷豈繩墨。昔年詩酒會。燒燭曙未熄。回天昭雄章。傾海恣筆力。狂歌駭鄰里。叱咤人莫測。座無亭長輩。撫几三嘆息。別來十餘載。寂莫栖棧棘。窮愁音信疎。頭顱雪霜逼。念君已衰老。閉關守玄默。追思夙昔歡。一往難再得。吾生寡交遊。故舊最相憶。何當驂白鶴。飛飛至君側。

贈宋我修

公子青驪駒。寶劍玉衝牙。日暮往江濱。言采芙蓉花。芙蓉花已殘。江水深無涯。饑蛟不擇食。短蜮工含沙。日暮無行人。願君且還家。千金明月珠。彈雀非得計。縱使無他虞。非君往來地。

決絕吟

波間攬明月。非浮亦非沉。美人高堂上。詎知心淺深。分愁剪半袂。同煖違雙衾。三秋空遠期。七夕無近音。沈瀾淚何極。決絕情難禁。悟彼甫田詠。感此闔閭吟。鴛鴦死同渚。烏鵲生異林。還君翡翠簪。焚我綠綺琴。所思非我匹。何為久勞心。

陌上見三叟

陌上見三叟披髮如振縞問叟年幾何形骸已衰老叟
言年四十所恨髮白蚤古人貴強仕嗟爾胡遽耄上叟
前致詞乘輿在荒艸中叟前致詞罔極痛無報下叟前
致詞饑寒苦難保哀哉三叟言使我自傷悼

壽張又仲先生

細林神仙宅巖穴何深幽中有渥顏人云是漢留侯明
月製雜佩白雲裁輕裘昔為帝者師今與赤松游蛟龍
備驂服萬里非阻脩晞髮增城巔濯足天河流神妃侍
玉輦微笑迴雙眸琅璈奮逸響碧海度清颺山居自多
暇天上本無愁不知辟穀歲距此幾千秋

黃鵠篇

黃鵠中天飛徘徊獨哀鳴漢家全盛日建都咸陽城咸
陽多甲第樓閣入青冥虹窓炫白日珠箔列晨星中有
侍中郎渥顏如舜英侍中少貴盛赫奕無與儔曾祖田
丞相賜爵富民侯小車入內殿玄衮賜七旒父祖及叔
伯朱輪夾道周金鞭揮獵騎綺服羅蒼頭侍中最儒雅
不喜事貴游聚書數萬卷丹鉛自較讐置酒延嘉賓清
論相獻酬談經駁服鄭考古核鍾球天道有盈虛人事
有變易為樂能幾何天地忽崩圻熹平初改元黃巾毀
王室踟頓乘內隙縱兵下南極淮陽初失璽白水未當
璧迎降恐後者連城二千石時有翟太守憤然獨濟師

雙輶終易敗一木豈能支日暮火燭天孤城勢已危須
史攀堞上呼聲動四陲侍中時城居攬衣起徬徨臣力
既已竭大勢轉披猖傳呼家人來我是漢男子先祖格
皇天載在帝本紀我無子房才猶有魯連恥不忍南冠
生寧赴東海死夫人前致詞妾父太宗伯奉命侍光儀
實以慕世德生既為伉儷死亦共窀穸安嬌女前致詞弱
質敢自憐夙奉大人訓禮儀素所嫻雙珠斲共碎尺璧
不俱全群僕前致詞老奴敢一語世受相國恩生死從
吾主僕婦前致詞婢子計已詳死亦竟死耳安能事
羊侍中蹶然笑爾曹乃如此公卿盡爾曹何至誤國事
乃命司衣女取我舊簪纓絳袍黃金帶象簡碧玉珩此
衣朝廷賜服以見父兄夫人亦盛服二女咸嚴妝玉釵
九雛鳳綾文雙鴛鴦帶懸招涼珠耳垂明月璫寶冠文
犀導羅衣紫綺裳僕婢亦整衣相率來中庭侍中命置
酒觴酒凡三行肅狀起北面四拜辭漢陵四望辭祖廟
左右哭失聲侍中獨揚揚神采如生平徐起援衣帶自
縊于中堂夫人縊于寢二女侍兩旁僕婢死廡下男女
各成行迨及天黎明朱扉寂空扃游騎破門入相顧乃
大驚投戈咸再拜愧愕不自勝時有感慨士避居太山
陰織屨不餬口負薪時行吟一聞侍中死淚下獨霑襟
吁嗟漢道衰士節無復存昔年常侍橫假子多縉紳迨
逢赤眉亂北面郎稱臣大義久湮沒古道誰與論侍中

一以死正氣彌乾坤火德炎劉盛中原正朔尊史官如
有作不廢野人言

贈高朗含

古人立學校禮讓寔相先六德為根本六藝資窮研飭
材儲將相砥行期聖賢末世尚辭章古道久不傳雕蟲
或仕進剝民聚金錢四維既已隳兆庶滋囂然高子抱
淑質從遊始經年芹香泮水春俊髦相周旋吾聞尺木
階神龍乃升天焦明備六翮奮飛斯無前小喜不足娛
為學如涉川一觀滄海大迴與沿洑懸吾雖慚古人贈
語非俗詮擇交取忠信立身貴貞堅合抱起毫末崇臺
資畚篲春秋鼎盛時願子良勉旃

讀史雜咏

日月互往來寒暑安所窮置身天地內眇然如蠛蠓舜
禹信勤勞胼胝寡修容一朝坐奄忽寂莫空山中帝王
遜有人興廢由化工蒼梧與驪谷白骨千古同不如飲
美酒笑傲娛微躬

越石本書生用兵非所長雄圖既百折至死神揚揚才
智難勉為君父安敢忘寸心期無慚成敗何足量
陳平昔事楚有功翻見疑仗劍脫身去渡河還解衣資
身苦無策冠玉徒爾為一遇赤帝子雄謨展六奇屏人
出片語九鼎倏動移黃金懸相印白璧剖桓圭此日繁
華色大異席門時匪關工拙異遇合良有期軋文在初

九何必悵塗泥

販繒洛陽市恒受市賈欺關津征税重折閱苦不支市籍非所樂况復寒與饑相驅入大澤揭竿為旌旗從龍入灞上神器忽以移南面據茅土成績銘鼎彝人生非困窮孰能履危機安危在反掌詎申難前期寄言猗頓流終無封侯時

吾聞東方生避世金馬門醉遺殿廷上不畏天子瞋滑稽寧受狎直言時見仲龍螭跡罔測委蛇道彌尊夏姬得異術顏色妖且妍縣陳復傲楚歸晉已暮年荒淫恣所欲俯仰無愧顏三夫及兩卿白骨寧見憐期願蘊凶德雖壽何足言哀哉兩髦婦獨咏柏舟篇

寄沈繹堂

子房本仙姿悞受漢主羅出入紫宮裏金貂冠鬼戕身為帝王師茅土裂山河布衣願已遂雲霞計蹉跎余師黃石公採藥棲烟蘿恐君世緣重封侯忘巖阿寄書長安城名與仙孰多穀城山下路望爾復來過

謝宋簡臣餉米

營生良有涯餽粥非求餘卽事乃多忤八口恒飢劬涼風雪載塗甌石久無儲假貸亮靡應恐使親朋疎日晏聞扣門故人忽遺書頗同汎舟役餉此顏闔廬弱穉見舉火笑言溢中厨隣家酒可沽觴咏還自娛古道貴相周友誼寧敢虛顧懷風人句素餐慚晏如

錢揖石金天石陳元常宋峩脩簡臣共以落霞孤
鷺齊飛為韻得齊字

郊原積雨霽野水平金堤戴勝鳴桑枝蘼蕪綠已齊故
人展惠愛晤言慰幽棲濁醪相與傾炊黍進蒸梨世俗
競錐刀權位互傾擠但知岐路速不慮失道迷吾儕任
曠達卮言發天倪江海有冥鴻朝市多醯雞去去何榮
辱懷哉歌簡兮

訪篁庵雲帆上人不遇

獨行尋幽人草徑微欲絕寒鷗叫枯樹朔風轉淒冽茅
庵隔清溪堅冰色激激遠公不可見柴扉盡空閉虛堂
藹餘香修竹蔭殘雪惆悵歸途遲斜陽半明滅

雜詩

長河去不返離別當此時攜手黯無言潸然淚已滋深
秋北風勁天濶浮雲馳仰觀暮色合宿鳥歸故枝熊羆
各慕類猿狖求其雌獨我同心人萬里從此辭徘徊須
臾間慘怛不自持哲人慎啟處壽考慰我思

綢繆情何極欲別無奈何轅馬鳴蕭蕭僕夫戒前途絃
歌慘無緒觴酒覺已多觴酒非吾歡四顧何茫然寒風
動野草菀結不能言昔為漆與膠今為矢與絃生平纏
綿意盡此斯須間纏綿不可展逝轍不可返繫駒永今
日今日惜已晚知君念我厚為君加餐飯

陽春散和澤百卉滋以榮枯楊發柔條依依隨春風菜

施豈芳草雨露信所逢下妾桃李顏寂寂空房中
春至百卉榮鳴禽聲啾啾桃李各自媚蘂蕪被道周駕
言從友生阡陌恣行遊肴蔌進芬芳旨酒消百憂少壯
苦難恃節序不我留時無管夷吾身名將何酬
楚客得古琴其名為號鍾一彈地祇集再彈天神通隆
冬發朱華盛夏召涼風舉世莫能聽棄置茅茨中鍾期
久不作我道固宜窮

古人敦交道傾蓋攄心胸成言貴勿欺殺身以相從末
世競錐刀險仄自云工酒食共宴笑干矛潛相攻誓言
如皦日背誕猶飄風三王無詛盟甘醴必凶終誠信苟
可孚溪毛薦王公

昔游谷水陽鬱鬱十萬家朱樓夾衢道第宅競繁華冠
蓋馳軒車文酒相邀遮閭門夜不閉炬火何喧譁少年
服紈素連臂游狹邪箏聲哀入雲玉顏麗朝霞歌舞未
終曲萬騎吹胡笳宮室燔燒盡白骨紛如麻嬖女隨馬
行流離天一涯瓦礫彌道周空城起栖鴉何人為厲階
對此長歎嗟

我游滄海濱寥濶多悲風極目無行人平沙捲孤蓬荒
墳松柏盡狐兔鬱縱橫鷓鴣慕儔匹哀號失所從浮雲
互迴薄陰曠將安窮揮涕念故人契濶多苦衷
故人遠行邁乃在嵩山隅神龍失舊服暫為清川魚魴
鱓非爾儔清川非爾居雖云不得意世故方艱虞苟無

網罟患風雲且徐徐回顧轍中鮒水涸將何如
夜長苦難寐薄帷鑒明月披衣立中庭星漢燦以列夜
分羣動息蟋蟀哀音徹念我同心友夙昔展歡悅如何
金石交三年傷離別離別何足恨履行貴無缺丹青信
不渝在遠逾昭晰蒼蒼松與栢各自凌霜雪詎學女蘿
草柔枝相糾結

北郭三五里累累多古墓穉狸據幽宮葬者失其故牧
豎縱野火草盡白骨露當時卜宅兆願為千年固一朝
見毀傷寧能久安臥我聞王子喬今古猶旦暮黃金既
可成人世亦可度騎龍傍日月下顧但雲霧苟能學其
術青天有衢路擾擾名利人至死永不悟

重陰閉天地凜冽當嚴冬羣木成枯槎霰雪無行踪水
波忽動搖水解舟楫通春風人不覺萬物俱改容草根
漸萌芽空林見青蔥庶類有剝復循環無終窮惟人獨
不能一死成永終喟然念同生泣下霑我胸

衰老忽然至鬢髮已斑白餘年知有幾暫為天地客登
樓騁北望中原苦焚溺拯救慚無能中心抱悽惻昔與
二三子同志匡漢室幼安方便臥少卿已降敵昔為桃
與李今為荆與棘繁枝徒得刺秋實不可食知人良不
易結交復何益

高樓臨通衢綺牕耀朝陽蓮茄飾金碧玉女窺其傍珠
簾曲瓊鈎龍錦文幕張中有絕代姿盼睇生輝光盛年

方二八舉體幽蘭芳詩禮夙所嫺容止何安詳暮春日
遲遲援琴激清商潛波出游魚遙空下鸞凰知音世難
遇默默歸空房尺璧儷砭砭詎若韞匱藏玉顏苟自愛
不嫁庸何傷

辛苦學治生衰老業亦厚廩有千歲食身無百年壽一
朝隨物化棺槨相蓋覆積土如廈屋千載永不晝不知
誰何人入室開戶牖綺羅供服御車馬任馳驟歡言列
賓朋嘉肴進醇酎金多不自用徒為他人守

四座且勿誼願聽歌一言請說屋上瓦本出田野間陶
人範成形煨煉得剛堅公輸蓋甲第置之大廈巔日月
光照臨湛露何溥溥高居棟梁上崔巍象南山同時田
中泥孰敢相躋攀世故不可期大廈寧久安阿房及建
章回風動茅管田夫厭瓦礫投擲棄江干高居幾何時
徒令本質殘

日暮登高丘望見車馬道良人從此去三年音信杳入
城見親故出城見墳墓君非他鄉人何為不返顧弱女
解秦箏幼子通孝經君歸攬君衣使君不復行我願車
馬道掘為千仞池百爾閨中人永無傷別離

賦得蔡琰流涕請曹公

微軀淪幽朔分為胡地塵生還見日月至德非言陳永
懷報高厚所恨無百身詎敢撓憲章為國全戮民顧惟
天廣大蝟蟻荷陶甄敢輸螻蟻私一回幽谷春筦子昔

返國舉目無六親仰承明公詔託命于斯人黽勉自勗
勵遲暮同苦辛雖愧志節薄被濯以自新雷霆忽震怒
微命如釜鱗荼毒起號慟胡此禍患頻生離淚未晞死
別怨已臻呼天欲一告明公卽蒼旻為德貴有卒好生
實無垠願宏唐堯惠宥此過誤臣公今建大業威令久
已振更推法外意四海歸至仁振風襲齊臺寔賴天聽
神庶幾孟明視焚舟報西秦

咏淮陰侯

赤劉握金鏡南面四百年神武賴淮陰百戰夷嶮艱封
爵席未煖身在樵斧間名與身孰親死與賤孰賢所以
商山翁長往竟不還

艸木言

艸木不能言吾亦不解艸木之言顧山栖以來
故交都絕中庭所有皆知已也松栢為師長桐
竹為昆季蔓艸為僕隸彼雖無聲余豈能長嘿
嘿哉或曰艸木也子與語獨奈何余曰艸木也
吾與語庸愈乎

松生高山上晝永風肅肅閱世三千年不改堯時綠秦
皇伯益裔賜爵未為辱松

秋風多栢實惜在墟墓間雖堪服餌用顧忌未敢攀神
仙非曠遠百計留朱顏劫火一朝盡寧有蓬萊山栢

中庭植雙桐已踰十二年去秋風雨急一毀一獨全才

質豈懸殊榮悴各自憐俯仰宇宙內豈不繇其天桐

桃生未及熟兒童競咀嚙猶復且嘗嘗謂我形味劣哀

哉不能言涕泣如雨雪

桃

大竹截作椽細竹截作箸斫根既為薪斫笋亦為菹豈敢言苦辛種竹故吾主竹

開畦學邵平瓜蔓已成列灌溉筋力盡顧羨雙飛蝶食瓜三十年今歲識根葉

瓜

南北四丈地種茄一百株荒村缺甘旨朝暮給所需空天翔鴻鵠偃仰意自如若言酒食美豈無屠沽兒茄引繩結天網豆蔓信所依為君作屏障日薄風微微深慚抱甕力惟恐秋實稀

豈

贈彭韋齋先生

灼灼桃李花榮華照阡陌涼風一以厲零落詎能惜

峩南山松鬱鬱高陵栢寒暑自有常何曾改顏色中田彼何人荷鋤藝黍稷昔為柱下史從容天子側豺狼構屯患長離戢羽翮天命雖靡常臣心自不易哀章獻符命袞冕何輝赫輝赫亦暫時為之三歎息

送別陳皇士王雙白施又王

西風吹孤鴈嗷嗷多哀音張燈對離觴愁思故難任與君雖異縣纏綿結中心願采芙蓉花為君製衣襟願琢荆山玉為君備華簪願折若木枝為君斲鳴琴微誠苦未致驪駒何駸駸疎星燦河漢殘月下北林攜手立斯須厚意比兼金相思各自喻滄海未云深哲人重名節歲寒心所欽高義良不渝在遠匪難諶

贈王勝時

文山昔授命委蛻莫與收幸有金石交函藏歸故丘寸
心獲所安履虎復何憂君臣與師友大義各有求世道
若江河趨下無時休不有豪傑士孰為障狂流二儀賴
支柱五嶽恣遨遊爭光日月間皎皎垂千秋

同宋義修飲張吳東先生紫蓋山房

湛湛淥池水猗猗蒼篔簹竹莫莫隱君子皦皦顏如玉行
行避濁淖止止慎幽獨恢台朱夏節華滋發羣木賓朋
自遠至斗酒進肴藪歡言散積憂日入繼明燭身世無
可言崇山為平陸樞榆且沉醉禾黍莫悲哭平陂信天
心艱貞食餘福勉旃勿多言歲寒慎初服

送沈弘濟入秦

自我居士室甘載無遠遊聞子萬里行悵然生旅愁百
六窘天步四海無安流吾郡閩越鄰時抱意外憂君今
適鄰時關山洵阻脩異鄉音信稀家室誰與謀婉孌知
交情念此良悠悠持觴懷哽咽臨風不能酬相如昔遊
梁仲宣亦依劉古賢多失意未免璧暗投秦關歲行暮
朔風徹重裘勉旃詞賦才著述期千秋

叢臺女

妾本叢臺女生長閭巷中身為戚里媵得入漢王宮隨
行歌激楚同隊舞驚鴻君王視我甚獨召入椒風承恩
出意外寵賜日優隆制詔大司馬倪天古所崇長秋久

虛位董擇必名宗群臣窺意旨外戚競先容正位理陰
教寶冊金泥封配天承廟祀象月訓嬪功兩兄乘朱輪
玄袞繪山龍幼弟入宿衛同車馳射熊榮華被九族貴
盛冠關東叢臺舊女伴辛苦織綾纓玉顏非有異賦命
自難同

百一詩

君子慎出處終始貴有常涉險咸自持躡堙或弛防吾
聞養由基百發皆穿楊力倦不知止一蹶徒自傷應龍
方泥蟠蛙蝥相頡頏受侮何足怒身名懼難藏藏身惟
耕桑藏名惟佯狂喬木雲霧中孰能窺短長末世務求
名名成為身殃章章萬物的衆射安可當

木棉篇

木棉出廣東與吳地之棉絕異此題似誤

木棉名吉貝生長西南夷不知誰何人渡海相提攜種
植滿荆揚枝葉青歲蕤盛暑六七月開花比黃葵實懸
三角鈴中有蒙茸絲墮地白如繭拾取無棄遺匠人製
轉軸金木為輔車軋絲出其核骨肉相離疎弓弦久揉
擊飄飄雲卷舒右手轉竹輪左手婉且紆引縷千百尋
比綸煩拮据新漿若沐浴刷理猶筭梳接經合異同貫
緝分門閤筒緯滿筐筥投梭敢徐徐冬日苦易暮朔風
蕩衣裾十指僵欲墮腹中况饑虛爇燈事糜粥溼薪費
吹噓食畢釜未漑入機勿趑趄呶軋將夜分始及三丈
餘凌晨起完匹下機捲成帙自幸色鮮潔且喜綜扣密

推窗一細視。霜花粲蕭瑟。引鏡淚如珠。連朝髮不櫛。豈
不懷逸豫。饑寒諒誰恤。木棉尚餘幾。揀擇貴纖悉。移置
南楹前。及此日初出。

久雨

長夏多溼風。油雲久凝結。雨深群木暗。鴉鳴衆芳歇。庭
除積簷溜。蛙黽時出沒。太陽既昏曠。蔓艸轉驕桀。我欲
加芟夷。徒手少鎌鍬。坐視非我心。憂來不能絕。

詠袁海叟

海叟無宦情。強起寔不樂。寅清雖重寄。雄猜懼難託。每
深江夏憂。勉受冠裳縛。淡心備應對。餘才及丹雘。辭官
如拔山。得請同縱壑。閉戶免螽蟴。佯狂亦龍蠖。

儼鄴中公謙詩

上客集清夜。高堂命華燈。膳夫進嘉旨。樂作金壘行。陽
阿激清謳。哀絃鳴秦箏。迅舞影不逮。丹梁繞餘聲。酌言
獻嘉賓。歡好積中誠。良時不我留。望舒光已傾。為樂苦
不足。願言絕長纓。子桓

副君好文士。廣殿飛羽觴。酒酣游西園。皎月澄清光。明
河粲中天。列宿相低昂。朱華照壁水。秋蘭發叢芳。輕輦
度長堤。神飈散微香。潛魚動波影。高桐棲鸞凰。滌蕩娛
情意。千秋殊未央。子建

朱明啟良節。佳卉發華滋。景雲蔭重臺。左右涼風披。高
會展燕笑。俯仰開襟期。芳醴盈玉觴。嘉俎出中厨。絲竹

間清歌哀聲感游魚四座樂莫樂觴至飲無餘唐風有
遺言為歡貴及時今日不鼓瑟明日安可知微軀獲所
託受眷良不貲願言頌主人福祿永如茨元吉降自天
巍巍莫能辭啟宇載令德奕世垂風詩 仲宣

良辰惜景光玄夜恣遨遊名園何綺麗曲臺臨清流文
石構虹梁玉樹藹崇丘皎月照棲禽驚鳴如相求金塘
散芙蓉氤氳隨風浮露華滋蘭蕙芬芳彌道周華楹納
涼颺軒敞實寡仇鉅麗昔未睹曠覽銷百憂援翰不能
詳令德愧靡酬 公幹

主人敦明德淑問被九州多士慕嘉惠驅車來從游置
酒臨高臺詞翰申綢繆辨論起沉痾煥若雲霞浮衆賓

同樂康式好無相尤密坐各盡醉羽觴如波流 德璉

賢主法天道春和布仁恩况當景風至敷惠及所親曲
讌盡歡愉華燭繼曦輪五味窮四海清觴久彌醇 元瑜

脩禊之夕帶三夢夏瑗公先生來云君輩今日游

甚樂吾亦願與因相與援筆賦詩醒惟記一句

云醉下江南淚騏聞而異之因以五字為韻賦

詩五章

美人駕雲車白龍何容裔念此平生歡媵修以相勵死
者既長往生者忽如寄今日不為樂但恐日月逝荒飲
非余懷上帝本沉醉

幽篁暗巖阿容容雲在下東風動衣帶驟雨亦灑灑辛

夷為君車赤豹為君馬十季悲離別暫擬傾玉笋雲旗
竟飄忽我心曷能寫

春至水自溢波濤橫大江蛟龍多隱遯欲濟誰為梁故
人凌波至前綏多輝光問子何途從情恍不可量須臾
不辭去令我懷徬徨

帝子渺何許乃在瀟湘南層波下木葉天遠秋湛湛思
君未敢語脈脈意自含但恐永離別中懷鬱難堪九疑
望不見極目惟煙嵐

天道信難諶哲人易殄瘁昔年燕婉交今夕但夢寐夢
寐不可留惆悵曷能慰兔絲既中墮女蘿亦憔悴江湖
浩已盈不堪復揮淚

寄贈誦帚師

幽居三十年戶外無履跡回憶嘉禾游恍若身世隔迢
迢三塔逕青苔沒雙屐樹色留漢唐鐘聲繞金碧中有
阿練若勵志比霜栢正念界金繩餘歡寄縹籍我欲從
之游二儀風雨積罔兩時睽訕蛟鯨互騰擲道坦輕山
河時艱畏咫尺恐有一旦憂永為千古惜稍稍景風發
歷歷重陰闢會見義熙人來依遠公席

訓襄平丁筠雪

躬耕歷三紀沮溺洵余師耒耜豈不勞所喜莫我知仲
春候時雨霑體勤東菑長為鹿豕羣遑與鸞鳳期了侯
瑚璉器風雅才不貲幽蘭吐芳訊獨繭抽秘絲坐令蓬

茅室炤耀珊瑚枝老農目驚眩酬應愧無詞身隱焉用
文蹇訥固其宜

陳含美書室

人生苟自愛焉往非我師六經况昭然此理無磷緇掩
關自吟誦俯仰深思惟仁義良不虧虞夏固可期利祿
同浮雲履蹈貴無欺遙遙魯叟心千載如見之

汪周士以寄生略見示賦酬

九州無分流涇水自云清泪泥繁有徒玉膏委榛荆矯
矯天都容胸次羅權衡淫哇退鄭衛高雅尊成英組練
餐霜雪芙蓉削金晶制義雖小道見此心目明吾生久
頽廢廿載安躬耕飛揚是君事相期垂令名

壽沈學士繹堂

富貴如卉木紛華各隨時令名如山川千秋常若茲吳
興珪璋秀嗜古同朶願績學儲見聞胸中良不貲坦步
蓬萊宮對御題新詩至尊動色喜國寶世所奇賜衣兼
授餐思重高華移講席繼桓榮教胄追后夔從來帝王
業積累固有基太子天下本諭教宜早為宮端必正人
言行俱可師庶幾養潛德以為飛龍資廷臣慎推擇帝
曰惟爾宜甘盤翊南亳周旦佐西岐曆數賴永延億兆
應昌期恩從祥風翔澤為百世貽豈獨爾眉壽萬國皆
旄耆

遊仙詩

中天構瓊宇。紫霞鬱嵯峨。回飈盪神香。鸞鳳自舞歌。玉
闕發靈音。天籟鳴相和。光芒互激射。四照皆琪花。六龍
控飛輦。霓旌靄駢羅。俯視見日輪。倏忽萬里途。憫此地
仙輩。千秋戀巖阿。

酬孔匡秋

建炎移鼎日。宗聖亦南遷。太末開茅社。分支有象賢。匡
秋真傑出。風雅迥無前。雋句飛冰雪。清音奪管絃。九章
情悱惻。二雅體端妍。玉氣朝虹徹。花光曉露鮮。鼇圖忽
變革。鳳羽息騰騫。不羨應劉貴。惟知沮溺賢。家臨滄海
曲。身寄豆苗田。感憤恒耽酒。沉憂欲問天。予生慎交與。
念爾獨纏綿。何日凌風起。相攜訪偃佺。

訓陳威玉

嚴霜變時序。寒風入蓬廬。析衣旣百結。盜粟無斗儲。親
友誰問訊。窮巷絕來車。不寤大君子。惠狀貽素書。相勉
以名德。相憶在離居。憶君當盛時。振翮凌天衢。及門有
奇士。矯矯爭先驅。神龍忽失水。制命在豫且。郢斤質已
死。宣尼天祝予。歸來臥巖谷。懷舊增繁歎。曦輪旣西逝。
江流但東趨。俯仰苦無策。惆悵將奚如。

泛月

歸舟歷蒲稗。西山漸微茫。回首月已高。搖裔澄湖光。氣
肅氛霧斂。天宇晶蒼蒼。涼颼襲衣袂。深草鳴寒螿。几席
見毫末。菱蘆聞幽香。賓朋不待勸。笑咏各盡觴。吾生實

多艱萬感填中腸。暫邀數刻歡。念此詎易忘。

挽馬烈女

許配夏氏子。將及吉期。而夏氏子忽患大病。勢不復生。女聞而自縊。七日後。夏氏子亦殂。

商絃多哀音。烈女多苦心。一諾自難移。敢愛七尺身。寶玉瘞完璞。蘭英萎先春。大義既已定。詎論恩淺深。得死信所安。引決無沈吟。哀哉青陵樹。千秋常同根。

聞打麥聲效陶體

朝陰作微寒。薶麥亦已登。日出場圃晝。遠聞連耒聲。去歲苦儉收。農人乏餘贏。日暮計頗絀。恒懼饑饉仍。幸茲春事穰。刈獲紛縱橫。我生雖無田。對此殊慰情。稻梁始萌芽。百日猶青青。鋪糜慎勿厭。庶幾及秋成。

遊子嘆

春風草萌芽。桃李齊作花。雙燕飛頡頏。倉庚鳴啾啾。萬物各得意。遊子獨無家。無家使心疚。無食使身瘦。男兒不富貴。雖歸亦何有。

悼金天石

伊人負奇志。欲使天右旋。天公不汝聽。鬱鬱三十年。蒼茫大海水。極望心迴然。驚濤淼無際。詎易木石填。有懷莫可展。聊復成詩篇。簫翟偶一舞。衆工歸汝妍。世輕松栢勁。俗喜蘭苕鮮。幸賴知者稀。使汝善自全。吾喪失良友。沉痛莫可宣。寥寥言外意。千載庶有傳。

擬淵明寄慧遠詩

廬阜何律萃。緬焉大江湄。遠公託棲止。遙情曠無涯。緇
白雖異趣。豈曰非予師。周生出潯陽。晨夕相追隨。宗雷
響然集。共為來世期。淨土理固然。至人豈余欺。獨無樽
酒歡。安得不攢眉。人生貴適志。生死事已微。顧瞻山氣
佳。相望徒依依。

顧頴集

華亭吳

騏日千著

七言古詩

落花篇

繁花落春風已飄泊。落且稀。春光去不歸。玉堦金埒空
堆積。朱樓畫閣無顏色。間關鶯語坐生愁。零亂蜂鬚尋
不得。疎雨過花叢。繁花逐曉風。旋深前夜綠。稍減向晨
紅。前萼徘徊未忍下。後英撲蔌已相從。蛛絲綴住原無
意。茵幌粘時亦暫容。昔年幾許同根蒂。一朝零落詎重
逢。悲落花落何窮極。豐鎬闕廷纔黍稷。咸陽陵寢還
荆棘。長信宮中淚未已。博昌殿內思難測。折脇初攜魏

丹印魁顏又脫應侯席四序奔馳禪古今九州智巧相
傾仄朝同桃李艷城闈暮逐秋蓬委阡陌花落自淒然
人生更可憐貧窮易憔悴富貴亦憂煎魚龍同失水蘭
艾共腰鎌埋憂既無地行國亦徒然鬱伊不可展為咏
落花篇

效齊梁間體勉強支離甚無動人處讀之敗興

有感

斗柄建午月蝕既斗柄建子月蝕既窮陰亢極理必虧
天道明明亦堪畏辯髮三千鐵衣袴縱金伐鼓聲喧諱
救月雖仍古禮文射天恐有雷霆怒君不見鷓鴣儀宮中
聽曉鐘六劉粲粲紅芙蓉此時昊天降鞠凶晉陽墮肉
如墮龍

贈朱雪田

先朝太傅董文敏揮酒絹素成雲烟風流歌絕三十載
繼起復聞朱雪田雪田意氣何磊落獨上層樓望寥廓
天海高深物象繁陰陽萬古相迴薄徘徊俯仰非一時
三山五嶽如見之忽然奮袖寫胸臆林巒水石皆神奇
毫端直奪造化力鬼神真宰惜不得春入秦淮鶯樹濃
雨歸巫峽龍雷黑有時置身吳越間秋江澄清木葉斑
霜寒曲渚叫白雁日落遠峰明翠鬢千巖萬壑在咫尺
四時陰晴變朝夕賓朋聚觀咸嘆息朱侯喟然輒不懌
男兒壯志在四海要使勳名光史冊雄心未展聊自寄
縑素何勞相促迫嗟予寂莫栖菰蘆狐裘黃黃思彼都

請君細著閻生筆示我當年王會圖

壽張季默先生

東海之後多異人先生磊落超常倫金尊美酒傾一石
鼻息上拂天逡巡朱家劇孟乍相過手擲黃金猶噓唾
畫燭宵徵鄭女歌紅樓晝擁燕姬臥胸懷洞達無所疑
滄江可竭山可移天生鴻鵠志千仞豈與鷄鶩爭糠粃
一生無憂復無慮太空浮雲任來去去年踰八十顏如童
劇飲猶能到天曙羨君仙骨真珊珊君言有術殊不難
但看百末蘭生酒便是金芽七返丹

贈汪長源

長源豪邁世無比手揮萬金如脫屣肩輿北到長安城
門前軒蓋若流水青樓縱酒開瓊筵美人絲竹聲沸天
參橫月落舞未罷日午抱花猶醉眠天星亂墜成白石
豺狼擇肉生羽翮歸來窮巷少賓客容顏憔悴鬚髮白
長源長源莫感傷一樽且盡燈燭光孝陵松柏尚在否
我輩安敢不自量中原十城九荆棘崔盧王謝皆消亡
生存幸得對妻子黃蘗作羹同蔗漿爲君話舊久未已
數觴不覺沉醉矣嗚呼古來饑寒老死巖谷裏此中無
限奇男子

屋漏

北風夜半雨聲惡牀頭屋漏如懸索暗中驚起無篝燈
布衾半溼如懷冰妻孥怨嗟裹衣坐男兒何事甘凍餓

大息知己良難遭天下悠悠皆汝曹

贈周晚山先生

先朝遺老誰獨存先生萊峯之子孫一時翰墨妙天下
蜀牋越素常滿門大書嚴整見芒角結構森森踞山岳
小書勁婉復多姿光彩翔徊如鸞鷲八分屈鐵蟠樛枝
篆文直逼先秦時忽然縱筆幻花卉直與造化爭毫釐
先生書畫特餘事方正賢良誰與二璞玉雖堪蒲穀文
渾金未得干將試只今八十步履輕碧瞳黃髮雙頤頰
每思神祖遺風遠猶喜巋然見老成

贈顧偉南

偉南鬚髮遽如許年來世事那堪語熱砂黑水困神龍
玉匣黃腸埋腐鼠一樽但見委衢路多力誰能負鼎呂
已知失鹿走難尋未審飛鳥止何處嗟君抱才不遇時
寂寥窮巷多愁思永嘉舊交死欲盡荒倉聊復稱相知
東風作春花滿枝得酒且醉夫何疑人生窮達固有命
七十飯牛殊未遲

題康澹澄百雁圖

康翁行年七十二矍鑠聰明比年少畫作滄洲百雁圖
賓朋觀者嗟神妙遙天一行初欲下沙渚成群遠相叫
交眠不覺莎艸靡獨浴翻驚水珠跳凌波競進若爭勝
臨岸迴看似相召理毳低頭尻益高引吭長鳴翅猶掉
棲翔飲啄各異姿野態雲情總同調蒹葭波濤莽空濶

芙蓉風露秋窈窕。慕此雖無弋者心。追隨擬學莊生釣。
嗟翁此畫良足珍。筆端清絕無纖塵。昔年曹霸畫馬兼
寫真。願翁畫鴈亦畫人。英雄無限飛揚志。一託丹青萬
古新。

秋思曲

蒼梧山頭松柏枯。洞庭湖上風號呼。重瞳玉匣埋黃墟。
碧珠成壘飛鷓鴣。崦嵫日薄九疑綠。暮雨琤琤洒叢竹。
亘古湘靈淚相續。千年萬歲秋思曲。

流螢篇

太液池邊梧葉秋。長信宮中團扇愁。千門沉沉魚鑰靜。
數點飛飛螢火流。隨風宛度芙蓉幕。決起還依青嶺樓。

翠袖撲來光未定。綺窓深閉影還留。深宮長夜迴難眠。
流螢坐對更棲然。枝上虛疑烽火樹。釵頭空訝夜飛蟬。
回思昔侍君王讌。中宵歌舞何曾倦。不夜珠明白玉床。
守宮紅褪披香殿。此時白露送微涼。此時螢火度宮牆。
那知歲序多遷次。那知微羽動悲傷。只今寂莫深宮裏。
流螢暗逐秋風起。輦道偏分腐草光。金塘亂點芙蓉水。
遙聽昭陽歌吹頻。十圍龍燭進瑤樽。燭花不及流螢影。
猶有微光來照人。

戽水歌

此詩初成金天石曰何至作張王體
余笑曰張王亦一代才士胡可廢也

東南風急大麥枯。秧田夜夜鳴蝮蛄。隣農相約共戽水。
未及四鼓來喧呼。河港淺隘潮信小。待得天曉水已無。

惟結四句
似張三耳

披衣躡屨急超出。呶啞遠近聞轆轤。明星滿天爭唱歌。
脚跟騰踏忘勤劬。東方漸動日欲出。白榆樹上啼慈烏。
歸來饑倦汗濡縷。瓦壺麥粥甜如乳。掃塲曬麥日欲午。
旋割蘆芽餵童牯。木棉衣衫着不得。無錢買葛空嘆息。

贈馮介臣

燕齊魏晉沙浩浩。曲折縈紆萬里道。馮侯驅馬遍游覽。
山川形勝開懷抱。黃河東奔壓淮泗。泰岱特立倚蒼昊。
詩懷對此增高深。拔句雄奇駭天造。歸來故鄉歲已暮。
少年兄弟盡衰老。但令筆墨生春花。何妨鬢髮同秋草。
朝貴相迎每虛左。野人接對殊簡傲。本是四鐵御史孫。
倔强且復從吾好。

贈許在公

玉斧喬孫事堯修。寸田易蕪資天游。丙丁下凝癸遡流。
龍鈇虎汞相綢繆。左神公子居重樓。玲瓏絳節雲氣浮。
夜誦丹經聲清幽。小日如錢燭九州。飛昇計期謁冕旒。
魔宮震動波旬愁。早往侵伐毋逗遛。斯人證聖真我憂。
黃金介冑橫戈矛。欲翻大海漂瀛洲。左神公子嬰兒儔。
屈服至剛惟至柔。素衣衛身如鐵禱。戈矛自摧矢自鉤。
藕絲孔中魔軍收。嬰兒歸舍神夷猶。小山穠香叢桂秋。
羣真樛酒相獻酬。共言鸞鶴且少留。人間甲子俟再週。

贈孫蓼庵

蓼庵為太僕公粲先生長君太僕闔門殉難於深

州以貧甚久不克葬迨襄事而君已七十矣令弟
做質亦已歿矣君雖老尚傭經餬口于洞庭山舟
出入恒繇胥口故未用伍相國事明知無望而未
免言之亦一癡也

蓼菴先生年七十四十餘年恒灑泣骨鑠神銷命僅存
天崩地陷嗟何及此身未死欲有為此志未申當告誰
卞壺乍瘞青山骨葛靚驚看白雪髭令弟與予同甲子
飄然先行不相俟編曲應憐獨返真雄心莫問東流水
胥口知君屢泛船簫聲驚起夜龍眠人生不得行胸臆
縱享期願亦愴然

龍潭老僧歌

龍潭老僧年幾許雪眉毵毵覆雙履玄言注射開暮雲
珠璣滿天散為雨意中殊不耐俗子對之默默無一語
別時尚恨聞履聲遺跡旋令水滌去老僧本非世外人
朱衣曾惹京雒塵通明殿中賜雞舌蠶叢道上分玉麟
天崩地坼那堪問十年解組成肥遯豺虎咬人不可群
鸞凰戢羽何須恨君不見公孫躍馬稱帝年鳩杯手詔
徵群賢任永青盲李業死深林何計能自全人生亂世
如鳥雀下畏網羅上鷹鷂陰陽雖蹈汜機路局脊難回
天椽天便當獨立高山巔草衣木食習安禪側身西望
峨眉外大海新開五色蓮

青村城中有甲第。畫棟雕楣入雲際。戟門行馬大道傍。
李侯過之輒流涕。自言居此三百年。虎符金印相蟬聯。
中都秉玉朝原廟。遼海分麾縛右賢。風塵瀕洞昏黃屋。
毛人一夜攀城哭。世爵空餘原上瓜。資身且賣成都卜。
只今六十鬢已絲。奔走衣食無寧時。高懷未免妻孥累。
正論翻為俗子嗤。我言李侯莫歎息。人生各自有豐嗇。
狐鼠能分南面貴。兕虎不奪東家德。晉之陶謝俱名臣。
世有封邑垂子孫。淵明饑餓行乞食。人言長沙真有人。
康樂兩朝受爵秩。臨海市上何倉卒。大節原慚魯仲連。
長髯復施維摩詰。富貴莫喜貧莫憂。倚伏反覆不可求。
修身勿為父祖辱。布衣何必殊王侯。與君相勉惟令名。
被褐懷玉古所榮。莫言苦節不可貞。君不見青村城外
王先生履仁。蹈義長躬耕。

飲陳彥達海棠花下

陳侯慷慨好賓客。城西別業饒竹石。庭前海棠大數圍。
高花拔地五十尺。弱蒂招搖火齊爛。錦房細蹙龍綃襞。
雨中俯仰各自媚。風裏低昂若相惜。酒客攜伴登高樓。
花光奪目迴生愁。乍擬江妃久佇立。翻憐鄭裊初迴眸。
越羅映膚紅欲徹。晨霞照雪光難留。朝酣暈頰倦未起。
珠露凝顙痕始收。從來名花比國色。相看相似轉相憶。
憶昔美人初目成。艷光搖漾嬌難逼。一札傳心寫幽怨。
三年分手無消息。憑欄拭淚傷歲華。繁絃急管催日仄。

花前絃管攪離思。花下飛籌急酒卮。百年哀樂詎有盡。
一朝醉死安足辭。酒酣客散行遲遲。回首遙天雲起時。
寄言風雨慎莫作。容我明晨來賦詩。

重過來青樓兼憶計子山

臨風慟哭胡為爾。來青樓前海棠死。三百餘年造化工。
一旦銷沉付流水。高樓自此削顏色。岸草籬花漫紅紫。
碎如大澤無龍蛇。鯀鯨鯢紛自喜。游屐不來將十年。
每咏舊詩還悵然。中庭僅存一老桂。秋風作花殊可憐。
陳侯此日發高興。老友三四同一船。採菱擷豆具殽蔬。
蘭陵酒釀鱸魚鮮。樹老枝繁多屈曲。盈盈滿綴黃金粟。
落照偏增麗色明。涼颼不散穠香酷。鄰家女兒時叩戶。
道上行人多駐足。愛惜深愁攀折多。追歡每恨年華促。
把杯相勸發狂歌。醉來步履皆鬼我。青山相對殊未厭。
白髮一來將奈何。日落迴船風不息。分手還家已昏黑。
却念金陵署中客。終日思家歸不得。

池魚回風雨逸去和錢天陶作

鑿陂種魚一千石。隊隊銀鱗戲空碧。風細翻騰綺縠紋。
月華吞吐珠璣色。垂柳陰陰覆曲堤。喁花嘍草出漣漪。
芙蓉密種防獺獺。蘓合飛丸駭鷺鷥。豈知八月秋風急。
疾雷傾雨天如失。湖海田疇一望連。群魚四散何嗟及。
魴鱠常材不足奇。任隨波浪自游嬉。願留一二蛟龍種。
看取他年變化時。

贈孤松上人

翩翩孤松師。來自莫釐峰。震澤三萬頃。空明涵心胸。眉
稜積霜雪。拄杖攜蚪龍。自言行年已七十。六時勤修無
倦容。獨念故交久。離索屋梁。月色傷懽悰。扁舟渡湖無
一事。喜與數子相遇。從逢君晤對。賦新句。爽氣上拂青
芙蓉。攜詩歸山。自賞玩。雋味何減伊蒲。供山中年年絕
苓朮。靜持尸羅。備儀律。相期慈氏下生時。更攜瓶鉢山
中出。

研山歌為朱子葆賦

朱侯示我古研山。峯巒洞壑相迴環。延袤高廣不咫尺。
髣髴五嶽難躋攀。八分細書留款識。知是當年米顛字。

金山庵作十五城。白玉蟾。蛛淚猶漬此山。昔在南唐宮
至尊。往往迴重瞳。龍香寶墨翡翠筆。殿中進御恒相同。
賦成香塔。鞞鞞句。宮女憑肩笑。相顧龍池積水。供濡毫。
玉手相攜。凡幾度。金陵宮闕成寒煙。流轉人間七百年。
朱公作相。稱最賢。負郭不及二頃田。門生執贄盡屏却。
獨見此山為。巖然中書堂中燭影下。伴我手書無逸篇。
剡溪藤紙。鵝黃色。寫就封題奏宸極。萬國均霑霖雨功。
百僚仰藉迴天力。子孫讀書恒苦貧。研山猶在亦可珍。
譬如寢丘沙石地。勢家不奪良有因。摩挲歲久潤如玉。
綠野茅堂比邨。鄙君不見鈐山玉帶三千束。官車載去
勞牛足。

搗衣篇

碧鴛瓦上霜華微白馬河邊秋鴈飛
薊北征人尚未返
雒陽少婦搗寒衣雙絲越練光如雪
開筭展衣腸百結
文砧桐杵響初傳靜夜空庭音易徹
疾徐高下宛相同
怒如擗標恨難窮愁心自訴光明月
淒韻應隨斷續風
風前月下砧聲度斗轉參橫猶未臥
撩亂流螢各自飛
纏綿絡緯能相和回思夫壻未從征
燈前笑語若為情
錦衾煖覺幽蘭氣角枕微聞墮珥聲
那知離別生悽惻
剪刀針線長相憶歲歲空傳薊北書
年年用盡閨中力
坐久新寒透袂綾遙憐塞外更難勝
受降城上思鄉淚
今夜應知半是水

贈計子山

吾友子山奇崛士外狂內狷誰與倫
經過里巷混形跡
抗懷天表凌埃塵匪夷匪惠人莫測
自歌自哭良有因
十年離亂更多病三世死喪餘一身
形骸久已同土木
詩句直欲驚鬼神吾生與君同坎壈
天崩地裂稱鮮民
兩男三女繼夭折水火盜賊仍洊臻
閉門偃臥苦乏食
開口并斗羞向人狐狸翳袂喜姍笑
豺狼鼓吻多怒噓
只今爾我雖賤貧曠懷猶幸忘苦辛
古來溝壑尋常事
杯酒狂歌天地春

賦得紫蓋翔雲贈張帶三先生

君不見南嶽衡山紫蓋峯青天卓立金芙蓉
倚桐竹實

集鸞鳳深巖幽壑潛蛟龍自從陰霾暗南極腥霧蠻烟
相掩抑挺峙雖存造化工晦蒙不覩峯巒色東風一朝
掃塵霧歷歷層崖青可數金碧滋膏滴乳泉仙真手植
多琪樹紫蓋重重壓混茫名花靈藥自芬芳時將五色
雲霞氣上接中天日月光

贈陳子威

昔予弱冠負意氣目中藐藐輕一時獨重陳君筆高古
十年以長兄事之是時文士競名譽蛇珠燕石紛交馳
吹噓多藉子公力婉孌誰憐季女饑一朝天地忽崩圯
當途非復曾相識夏馥陳蕃盡死亡華歆崔發多驕色
七子空存五君咏一龍已割司徒席芳艸紛紛化蕭艾

薔薇樹樹成荆棘此時但覺故交稀陳君相見獨依依
寒風石瀨同垂釣斜日荒原共採薇男兒生世重名節
胸次應須皎霜雪倜儻非常會有稱浮雲富貴兩磨滅
只今同是一衰翁四十年來出處同多病最憐離別久
寸心時賴尺書通尺書遙寄隔江鄉相憶相看明月光
羨君對月開樽酒左右趨蹌雙鳳凰

三月九日集馮水甄齋得陽字

黃鸝睨睨啼春陽東風淡宕游絲長落花繽紛流水香
主人賓酒臨高堂賓朋促坐飛羽觴金盤玉饌陳芬芳
酒酣悲歌激清商奮袖起舞何低昂迴思舊游多感傷
故宮草露霑衣裳山陵岌嶷鬱相望狐狸騰逐鴝鷓翔

念之殷憂毒我腸歡樂有極哀無方持杯沉吟夜未央
少年行

少年意氣不可當。凌厲一世無鴈行。南山射虎歸已暮。
縱博坐待明星光。酒酣奪妓新豐樓。拔劍斫傷富平侯。
金吾吏卒夜收捕。竄身直走交河路。平羗將軍大勒兵。
千金募上充前行。揮戈躍馬獨陷陣。羗騎十萬一時盡。
天子特賜嫖姚印。歸來列騎擁朱轡。甲第晨開笳鼓喧。
富平默默不敢言。

青村艸堂歌為宋峩修賦

青村城西八九里。藜竹幽深水清泚。誰家雙扉竹下開。
宋子峩修草堂是。堂中雜貯千卷書。筆床茶竈何蕭疎。

春深樹密鳥聲脆。日永庭閒花氣舒。高士才人時聚首。
分曹琴奕同杯酒。竒句驚看捉月才。雄辭駭聽談天口。
鎌山老人久高臥。近寄尺書意良厚。故廬不到十餘年。
把臂定期三月後。此老素為風雅宗。堂中得之堪不朽。
吾因抱病恒戒飲。見之當為傾大斗。關雒近聞吹戰塵。
草堂卉木自清新。君看咫尺青村境。何減桃花源水春。
喜晤金天石

僻居荒郊人事絕。一春柴扉常晝閉。何來嘉客問蓬蒿。
金侯初迴山左轍。披衣倒屣急迎入。握手縱談開菀結。
已知故舊比晨星。莫笑頭顱同積雪。錢翁延沈生雪盡
黃土。酌酒焦然肺肝熱。援琴且自樂餘年。鼓缶不須嗟

大臺况君繞鄰多歡娛。遠勝吳郎嘆孤子。高松叢菊聊
遂意。室廬田園那可說。春風東來欲締綵。日色西沉漸
環玦。老蠶此時宜作繭。疲馬何須更銜鐵。朝來驟雨阻
良晤。引紙題詩寫曲折。數字常留千古心。此生幾度三
年別。

悲歌

一雨連綿四十日。九衢茫茫泥沒鄰。墻頽屋漏薪米竭。
妻孥呻吟驅我出。扣門強顏貸升斗。骯髒半生殊自失。
嗚呼此生閱歷凍餓良已多。頭白未死可奈何。

曹浣心齋看蠟梅

蠟梅本非梅。體質獨奇絕。色媚深黃染。蜜脾開當歲晚。
凌霜雪弁萼。長含香氣深。經旬不露紫檀心。臨風恐逐
金丸落。映水還疑蝟珀沉。主人庭中花正茂。為呼酒客
消清晝。但管花前綠蟻盈。那知海外群龍鬪。

題八駿圖為曹平叔賦

虞廷四巡自有時。茫茫禹跡無瑤池。周制吉行五十里。
獨乘八駿將安之。武成柴望灌玉瓚。不藉駟驥藉十亂。
一賢便可定九州。驂騑雖多何足筭。君不見元魏廐馬
二百萬。神器一年三易換。

壬戌冬送彭孝緒入都

風沙眯目鬚滿冰。彭君別我將遠行。苦寒卒歲思墜戶。
出門無乃非人情。君言我行豈得已。半生憔悴貧窮裏。

需次七年無斗升，徬徨甘口呼庚癸。昔年南宮初第時，
鄉鄰稱賀填塔墀。一鳴已改枋榆翼，萬里長為霄漢期。
豈知滇蜀多征戰，軍需踊貴文章賤。綦母先生不達權，
司空公子通時變。釋之驂乘近勾陳，卜式還登亞相尊。
空餘詞賦凌雲客，猶作塵埃索米人。我謂彭君莫惆悵，
龍申蠖屈殊難量。犢鼻纔看酒肆中，鳳儀倏在青冥上。
况今洱海已安流，更絃調瑟逐天休。莫言逆旅多愁困，
中使行看召馬周。

贈汪穎侯

我于槁梧閣上頭，席間始識汪穎侯。修髯廣頤性坦蕩，
語言恂恂儒者流。自言家世尚文學，不遇聊為海上遊。

資生未免逐什一，擾擾塵市慙前修。奮飛無計出埃壙，
時賦短章還解憂。吁嗟乎！人生清濁繫神識，雅俗何曾
在形跡。韓康謝翽古高隱，賣藥販炭殊自得。邇來海內
多遊客，自號山人善文墨。山中何曾住，畧刻揮汗奔走
長安陌。哀祈閣媼達名刺，匍匐公卿覓顏色。殘杯冷炙
偶一霑，誇許貴遊俱莫逆。回首此輩真汗顏，不如穎侯
塵市間謀生少暇，讀經史。此身在市猶在山，槁梧主人
胸寥廓，拊掌斯言最歡樂。呼童進酒促酬酢，夜深月滿
槁梧閣。

壽蕭芷厓

芷厓隱於木工善吟詩有遼海吞身遠月長城
鎖亂山之句為時所稱

古人隱遯多寄託，或為冶傭或僧牛。高懷期許在虞夏

踪跡韜晦儕庸流吾黨蕭翁真大隱執藝食力無所求
偶然興到賦篇什舉國傳寫爭吟謳不知此乃翁刺技
譬如潮水生浮漚卽今行年已八十顏色欲與嬰兒儔
胸中空曠無俗想世人祝頌徒悠悠呂尚臙夫何足慕
彭祖秘戲衆所羨顏冉非詩亦非壽古今歸重如山丘
聖賢所貴在聞道壽夭窮達俱海鷗但令踐履堪千古
何必聲名耀九州

此詩庸人皆奇不稱其世庄也

陳含美重葺寬齋先生吟室賦贈

寬齋先生返林下吟哦一室聊自娛曾無橐裝買田宅
但有篋笥藏詩書文孫抱才苦不遇睥睨四海同虛無
先朝吟室喜尚在繕修汎掃加堅塗明窗棊几列經史

竹爐熾炭煖酒壺醉後揮毫發高詠斗室忽羅明月珠
莫言一室殊區區莫言一室非遠謨君不見烏衣王謝
高堂在後裔何曾託步趨

題胡南武喜得趙文度林溪書屋圖

林溪主人城西隅水竹一椽聊自娛攜琴分韵客常到
月夕花晨樽不虛朝來入市見幅画諦觀俯仰生嗟呀
趙君前我百餘歲早寫林谿書屋圖趙君生當神廟初
海內承平一事無才人奔走望槐棘孰肯寂莫栖菰蘆
此時此画為誰作景物頗與吾廬符碧環右繞石潭水
赤標左峙金浮屠當時想亦偶然事恰似預供今日需
古來萬事有前定筆墨細微亦爾乎

流螢度

流螢度。緩復急。畫樓簾隙隨風入。隨風入。嬰蛛絲。蛛絲
繚繞之。青熒不自持。寄言蜘蛛姑徐徐。力雖不足光有
餘。爾本腐艸逐炎熱。那能身死光不滅。

遊柳塔同宋采臣

芙蓉花殘蓮葉枯。霜風颯颯吹黃蘆。深秋何處堪登眺
扁舟渡柳登浮屠。浮屠磴道穿鞦韆。絕頂憑闌眼空濶
山色東園郡治深。海雲南蕩青天豁。水光雲影兩悠然
白鳥遙看沒暝烟。須臾日落澱湖上。萬頃黃金波沸天
金碧晶熒無定在。鮫宮百寶呈鮮彩。久立不辭衣袂寒
更看銀蟾起東海。

卽事

辛未秋湖南武尊人七袞予往賀之見堂中方
製稻籤南武出扇索詩予卽所見寓意正風人
所謂舉類通而見義遠
未可使不知詩者見也

南鄉稻田高且平。斫稻曬穀功易成。北鄉稻田水漉漉
水中刈稻泥沒足。苦無乾地可放稻。水面縛架伐修竹
老農向余前致辭。同為農夫勞倍之。我言勞逸天所為
人生大抵盡如斯。但令歲晚收成好。辛苦多端亦不辭。

贈宋綦脩

宋君早歲顏如玉。駿馬雕鞍金麗殺。洛陽女兒連臂紫
紫鴛赤鳳隨花宿。詩篇妙麗意態舒。碧池新發紅芙蓉
錢郎才子欣同調。樂令冰清愧不如。每笑九峰一拳石。

眺望登臨多局脊英雄耳目貴展舒天高地曠開胸臆
黃河東奔如建瓴泰岱特立當青冥山停水抱元氣聚
中有萬古孔子庭百王禮樂存綱紀歷代馨香崇廟祀
金石長留太古音蓬蒿不入昌平里對此欣然願少留
樂丞王績本清流天章雲漢俱昭晰亞聖支條備纂修
君撰闕里廣志備載累朝制書碑文及顏曾孟仲四氏世系才人慢世誰相賞秋風
忽動蓴鱸想黃菊香存籬落間蒼筠影覆青溪上倦羽
還山多好音閒雲出岫本無心壺觴自得賓朋樂懽笑
相忘歲月深玉鏡飛天花似綺不覺春秋盈甲子渥丹
雖未改童顏杖鄉已是推高齒此時冠蓋競相過此日
充庭羔雁多方士遠傳千歲藕伶人爭奏百年歌画堂
置酒開芳宴羅山且海陳嘉饌妙舞便娟洛浦雲新聲
婉轉驪珠串露滿蒹葭月色高酒徒詞客醉喧號慙予
衰老無能飲飽啖綏山徑尺桃

水仙歌

海風沸沸吹樓船滬瀆築城防水仙水仙兵來旗暗天
孤軍決死不自全生平挽歌聽已慣忠骨長留滄海邊

酬曹次典

經年臥病南山廬美人忽來雙鯉魚上言浮雲蔽白日
下言別鶴悲離居離居惆悵那可道百年事事縈懷抱
思君不來余已老東風城闕生秋草

贈袁藥闌兼題山居圖

藥闌本是余峯客少長山中友泉石朝采松花露氣清
暮呼歸鶴霞光赤生平愛酒兼愛仙僊山酒國同一椽
醒嫌塵世非吾土醉覺蓬萊在眼前雪田為寫山居圖
蒼松古柏雲模糊孤燈永夜書千卷九轉窗塵藥一鑪
湖中扁舟往何處送春載酒看飛絮但使長逢酒伴來
不須更覓安期去

顧頤集

華亭吳

騏日千著

五言律詩

寄懷張帶三先生

威鳳一鍛羽脩脩枳棘林秋風無竹寔霰雪有哀音萬
里懷羈勒三年廢鼓琴離居更愁思荒草徧庭陰

游康園

挽竿沿溪曲船風逆浪遲園亭藏窈窕水木散華滋坐
入羲皇世人添巖壑姿形神殊自遠相對復為誰
細雨東來急池紋皺碧綃垂楊低拂岸石穴暗生潮出
沒看鳧雁從容數白鯨綸竿能借否我欲泛輕舸

南礪藤千尺縈紆石磴斜龍蛇紛抱樹瓔珞互垂花香
暖逢新霽光濃更晚霞一樽堪坐對十日未思家
拔地孤峰峻彌天翠篠幽野禽栖欲暮深谷冷疑秋屐
畏蒼苔滑衣防蔓草鈎雜花無遠近觸目總生愁
置酒華軒敞賓朋笑語繁得盧驚四座浮白戒群喧錦
石醉思臥青梅低可援脫巾挂樹杪風至自翩翩
竹榻西窗靜燈花夜色深蕭然無衆籟宛爾似禪林宿
酒初醒候聞鐘欲曙心壯年飛動意不覺自銷沉
五更疎雨過旭日墮遊絲柳色微茫際鶯聲下上時堤
橋行曲折亭館望參差却憶西湖路芒鞋任所之
濠梁方宴嘯魚鳥悅幽襟忽動懷歸念難為去住心征

途芳草亂離思晚雲深旦暮稍能暇佳遊許再尋

湘舞弟歸自汝寧

憐爾風塵色言歸自汝南依人昔未慣長路近方諳白
鶴三山曠鷓鴣一粒食早知縑素貴從此事春蠶

喜遇王玠右

夢寐三年別飛揚盡日歡共驚杯易盡翻恨燭將殘湖
海心猶壯乾坤事不難隆中應少暇棋局暫盤桓

燕張冷石先生齋分韻

吳山越海邊處處起烽烟尊酒且今夕人生誰大年雄
心空萬里知己自燈前况有歌鬟在娟娟復可憐

寄計子山

望爾歸吳下仍聞到洛陽多才應自惜信美豈吾鄉北
望雲千疊南來雁數行客衣殊可念昨夜有微霜

賦得飛鳴宿食四種鴈

素有圖南志兼逢節序秋攜群違朔漠縱覽到羅浮頓
覺乾坤濶思隨鸞鶴儔人生有六翮何地不遨遊
不覺商飈急遙傳塞外聲分行如有約相應更多情曉
逐晨光動宵驚露氣清有才應自秘何必擅能鳴
豈慕鴛鴦侶嬉遊止數尋追隨萬里道貞固百年心水
落金沙軟洲迴碧草深可憐清夢穩長在楚江潯
極目山川異微軀飲啄同取資原有限造物本無窮
吐江珠白萍浮楚日紅稻梁何足戀輕舉自雲中

明妃

龍沙行漸邇鳳闕望中沉遠嫁愁無奈繁絃哀至今紅
粧原命薄圖畫亦恩深更念廷辭際君王無限心

新篁

荏苒南園竹初當解籜時碧鮮猶捲葉香粉乍抽枝
鳳休嫌弱為龍定未遲晚涼三徑好新月影參差

聞黃鸝

高柳千株暗黃鸝復此遊鬱蔥深不見睨睨互相求
碎語傳清曉春風繞画樓樓中有少婦獨宿迴含愁

許在公園看桂

高樓臨樹杪金粟儼如山不覺微風入休云抵夜還得

朋娛暮齒依酒發童顏。燭盡無須換。東南月一彎。

嚴江道

舟入嚴江道。峯巒總不凡。路窮疑絕壁。山轉忽通帆。長竿風彌厲。深林日半銜。青楓動愁思。楚客正憂讒。

山行

重到余峯北。清觴酌墓阡。斯人不可作。我輩亦衰年。書卷多零落。碑銘尚杳然。青山如宿昔。揮淚夕陽前。醉張冷石墓

山水貴岑寂。橫雲性所宜。邈迥入蒼翠。信宿寄招提。綠壁藤花亂。穿垣竹笋欹。黃昏風雨作。檐溜嚮方池。宿清風禪院

雨停知夜艾。酒醒不成眠。雲隙露微月。竹根流暗泉。禽

喧晨景動。霞散水紋連。申旦獨延竚。幽情祇自憐。早起

天馬山中客。攜琴過草亭。風傳流水咽。雨散衆峯青。蜂

蝶春惆悵。松篁晝杳冥。片雲溪上度。彷彿是湘靈。聽林岱生

琴鼓

木石煙雲氣。龍蛇素練光。多能良自苦。覓暇轉添忙。老

畏山溪滑。觴催故態狂。君看鳧與雁。長短總相忘。子山善書

彥達工画。牋扇疊至。頗以為苦。帶翁年高。涉險須扶。天漢年少。行步輕健。浣心素本。俱善飲。而予以病廢。酒狀

其樂則均耳

驟雨停遊屐。虛廊共奕棋。聊城圍未下。官渡戰偏宜。制變初無定。臨危更出奇。山僧伎倆盡。謾說久忘機。與遡本奕

山名同赤壁。地勢異黃州。僻處無爭戰。閒雲任去留。夕陽添紫翠。春水浸其球。何必涼秋夜。時堪泛小舟。遊橫山壁小赤

美人不可見。北望思茫茫。離恨青溪水。遙情明月光。鶯聲聞竹圃。樹影靜山房。獨許禪僧輩。親看嵇阮狂。懷諸

曹浣心齋看虞美人花

蘿蘼中庭草。繁花亦可憐。化工無定色。晨露有餘妍。置酒此相賞。臨風還悵然。英雄真蹭蹬。竟使美人傳。

旱

桔槔鳴永夜。歷歷數繁星。月起鮫光赤。風迴魃氣青。叢篁無墜露。深沼有枯萍。漸見東方白。炎歊欲涕零。

癸亥七夕

晚來疎雨過。白葛透涼颼。坐聽孤蛩語。人言七夕期。東西河永隔。今古事傳疑。衰病移時序。何心戀酒卮。

處暑偶成

酷暑何曾退。微分曉氣清。飛雲不駐影。灑雨却還晴。秔稻添驕色。蛸蟬有倦聲。豐年殊可望。不稼亦怡情。

見庭前秋色慨然成詠

庭草多佳色。非花亦自妍。乘時新露下。得意未霜前。采奪隋宮巧。光分鳳羽鮮。楚江楓有葉。晚達若堪憐。

賦得三更酒醒後

酒力消長夜。蟲聲逼暮秋。風霜知被薄。羈旅拙身謀。心

緒千端集蟾光一隙流家書頻見促我豈愛淹留

壽全孩上人

今昔俱無任何從可計年彭殤同一瞬松菌互相憐五
十忽焉至涼風殊颯然形神正調適不礙久周旋

喜汪振生歸自雲南

萬里歸來日蓬蒿滿葦門登堂一長慟兄弟半能存豺
虎關山險烽烟日月昏無窮故人意相與盡清樽

贈林曰武

曾侍梁王宴遨遊已倦歸暮年詞賦少薄產豈苗稀世
俗輕黃髮知交念布衣橫雲山下路朝夕看雲飛

輓呂臞仙母吳氏

戶部繩如先生女也
甲申聞變自縊死

早歲失君子冰霜三十年寒燈背風雨塵土滿釵鈿九
廟今安在餘生敢自憐殷勤囑陶侃努力向幽燕
社稷有今日諸公將謂何自慙弱女子無力障狂波寔
空歸何恨衣冠事尚多淮南四大帥幾日渡黃河

中秋

四序平分日清秋獨可傷萬方多難後永夜共相望積
水生寒露空天炫海光故都諸父老應照鬢如霜

懷徐晨茂

苦憶南州士輕舟寄水隅秋風已搖落世路值艱虞皎
皎懷空谷申申畏女嬃夕陽池水上獨立意踟躕

為計子山悼亡

子荆雖亮拔婦服每酸辛早歲工縑素三年偕隱淪容
華竟黃土天地失青春苦憶彌留際溫詞慰老親

同陸孝會計子山錢武子秋郊散步次韵

握手高原上涼風萬里秋逃秦懷綺季臣魏笑應劉雉
堞開斜照烟雲合暮愁十年心不展重與話離憂

飲馮休庵濯錦園

偶動扁舟興來從漢吏游相如雖善病叢桂正宜秋酒
熱哀殘鬢刀鳴憶大讐壯懷長鬱鬱天地不勝憂

送吳六益遊燕

之子遠行役悵然非我心中原今茂艸天末况重陰世
味風塵薄交情故舊深相留苦無計把酒一沉吟

輓宋殷徵

我修簡臣尊人

君歸東海畔予隱南山峰分袂卽千古寒雲愁萬重交
情傷宿草瞻顧失高松徙倚短檠暗淒然聞暮鐘

子山言鱸魚在沼與水同色因與帶三先生同賦

秋水涵深碧鱸魚色本同江湖寬自適萍藻密能通映
月翻輕縹搖蓮落晚紅能無芳餌戀何竟出波中

題夏山侶貞桂堂

山侶為貴溪文愍公裔孫

楚臣歌菌桂比德在芬芳何意千秋後名登君子堂自
能滋鼎寶終不畏風霜回首袁江上分條遠更長

大風雨

半月狂飈急中宵挾雨傾捲山童竹樹拔海亂鯤鯨妻

子驚無色鴻濛混一聲晨光應不遠坐待幾含情

觀潮寄莊武秋

海岸隨風圻驚濤挾雨來遠材餘半樹崩浪似鳴雷闢
境蛟龍喜無秋兆庶哀莫傷才力短早策聚蘆灰

送陸孝曾

天下輕儒術胡然更遠行扁舟辭水驛細雨暗荒城涸
鮒江湖望離禽故國情莫愁沽價少趙璧舊知名

栢斯民陳含美過訪不值

二妙能相過孤雲不可尋美人一以去庭草至今深小
艇蒹葭岸茅茨楓樹林秋期未可定坐月起微吟

送宋峩修典樂闕里

報德嚴禋祀褒成奉豆籩克諧憑典樂琢旅任才賢劍
珮趨新命葢鏞識舊懸懸知九成奏儀鳳下遙天

張凌秋有鼓缶之戚詩以慰之

蘭蕙何光麗俄驚夏隕霜誰能煎鳳喙無地覓神香暮
雨金釭暗秋風玉漏長高堂垂白在不敢更神傷

題胡南武林溪書屋

茅堂無俗事書卷自清幽古道非遼遠閑心足獻酬溪
光疑貯月竹韻易成秋一室真堪樂何須汗漫游

送雲公之越

嗟余栖土室鍵戶廢逢迎羨爾真無累飄然萬里行龍
湫春雨黑雁蕩曉雲明應寄澄公語無須戀鄴城

送馮寶初之淮陰省親

遠道行何遽。趨庭不敢遲。仙雛和鳴鶴。喬樹接瓊枝。相送憐衰暮。深情慰別離。寸心搖曳處。風滿綠楊絲。

輓馮天垂

宇宙誰知己。馮生竟溘然。百身無可贖。八法有誰傳。瀕死猶相憶。生存轉自憐。哀詞題更輟。嗚咽那成篇。

來青樓看海棠

冒雨扁舟出東風。不待人花光已今日。歲事幾何春欲賦。難為句。傾杯捷有神。爇燈看更好。夜久尚逡巡。信宿何曾厭。凌晨起倚樓。閒情紛自感。歸計迴生愁。泣露憐妝媚。臨風憶態柔。出門殊惘惘。鶯語若相留。

自嘆

救世嗟無策。隨波性不能。春今風雨過。年已亂離增。蹙蹙誠難騁。夢夢或可憑。鬱蔥何處是。昨夜夢春陵。

送林岱生之淮上

楚南齊北境。扼要是淮揚。天地存形勝。英雄悵渺茫。君行及春水。相望隔垂楊。莫惜瑤華句。雙魚遠寄將。

張帶三先生齋看牡丹

念爾真高潔。孤懷霜雪清。胡然種繁艷。國色照檐楹。尊酒一為醉。雄心時暫平。千秋彭澤恨。應是託閒情。

蟬

蛻質依喬木。資身託露華。高風聲漸引。涼雨靜無譁。金

范朝章貴雲縈鬢影斜微生本無競螳臂莫相加

輓沈雪峯

鯨海留餘息蝸廬託晚年相看各無語酒後獨悽然壯
志摩殘鐵微辭寄短箋無窮埋骨恨不得象祁連

汪伯遠送酒

僻性恒耽酒居貧黯自傷數旬無一醉兩鬢竟繁霜得
此真知己陶然卽上皇乾坤如許大短袖且低昂

酬徐松之

傷懷非一緒觸目更危疑風雨垂天怒蛟龍絕地維三
吳同大壑兆姓恐靡遺遙憶祇園客鄉心在水湄

輓新安畢烈婦

大節今誰屬新安有女郎鏡鸞初罷舞蕙草不重芳人
得風霜氣天留日月光回憐申酉歲濟濟衆冠裳

九日偕袁藥闌沈朗陵季舜兩登一覽樓

高樓一眺望秋色滿松杉海氣層雲矗山光落日銜雄
心餘百折世路擬三緘無限神州恨菅茅不易芟

金紫霞齋分咏得石衛尉限韵

剪錦亘山川新聲散筦絃香塵輕不動釵色艷難前客
是河陽令詩留遠嫁篇風流誰繼此江左有群賢

納涼

逃暑村居寂尋涼竹徑通楸梧辭落照菡萏進微風且
浴石欄畔銜杯明月中可憐滇海外鞞鞞正臨戎

金天石齋分咏得杜當陽

羊公孰可嗣武庫最森然邃學窮三古陰謀矚九淵麟
編紀周月鵲起失吳天賴爾留餘地元皇更卜年

雨泛

雲擁頽城氣風高裂帛聲深愁衣袂薄猶幸雨絲輕短
楫群魚散叢蒲一鷺明玄亭望已近秋水到堦平

送林武宣往岳州

潭岳兵衝地秋風此送君微陽今一綫形勝古三分碧
漲天邊水紅生徼外雲仲宣游楚日不是愛從軍

浦行卽事

申浦東連海瀾漫望不窮歸心視春水身世一飛蓬漁

艇輕穿雨蒲帆側受風鳧鷺不相避出沒蔣芽中

金黃石梅花閣分咏鯉得東字

六六徵奇質三三識武功雷門新著火舶舩屢移風刀
試山崖裂書憑尺素通從龍往何許江漢本朝東

十一月雷雨百舌鳴

老去添衰病愁來減笑言蟄雷冬自怒百舌曉何喧穀
賤傷農父囊空愧酒樽蕭蕭寒雨暮自起掩衡門

訪聖默師不值遇雨

聞道龍潭北高僧此寓居飛雲已寥廓精舍漫踟躕風
雨來何急蒹葭路轉迂不辭衣履溼吾本愛蕭疎

芟蕉

墻角甘蕉葉重重似綺帷
萱蘇俱見礙花寔竟無時障
日陰難轉乘秋響易悲
柞人收舊地芟刈更何辭

輓袁宜人

恤緯情彌切含飴事竟違
星光沉寶婺命服掩文翬
地德章元吉防封得其歸
慚非劉向筆無以志音徽

題霜哺編

夜深不敢哭飲淚向孤檠
弱子依形影寒機託死生
鳳奩塵自掩鸞鏡雪初明
為報沉湘客遺孤已有成

哭殤

不意數旬內悽然殤兩嬰
牽裾笑已寂索抱夢初驚
戲具留銀鹿殘衣剩彩鸞
傷心画梁上猶有燕雛聲

施則威以八閩名士吏隱江南道遠祿薄不攜家
累庚戌冬得家信則夫人逝矣嗚呼傷哉青袍
白馬况味可知曾不若萊婦鴻妻有偕老之樂
也寒冬窮暑何以為懷徵詩同人以當惠施之

弔

乍得鄉園信淒然淚自滋
化龍亡故劍繡鳳失雙絲
薄宦三千里愁懷十二時
芙蓉將蛺蝶悵絕杜陵詩
忽失同林翼孤鳴祗自憐
不堪思往日誰與共衰年
心折關山外神傷短燭前
宦遊成底事慙負孟光賢

苦雨

雨勢殊無賴淹旬作苦寒
敝衣縫絮綻漏壁墮泥漫百

草無新色連山失舊觀何須千里外始覺路途難
石罅泉俱發湖田岸不通侵堤初作浪仆樹更兼風溟
泮千村黑微茫一火紅烟波歸棹晚獨立羨漁翁
避地真荒僻愁霖轉自悲負薪沿澗滑乞火度橋危婦
病思方藥兒嬌厭薄糜有生真是累惆悵復奚為
莽莽重陰色沉沉徹夜聲麥苗隨地盡潮水蹴天驚巷
慘窮嫠哭村喧斗粟爭憑誰借蓑笠沽酒散憂情
白蟻群緣棟烏鳶下啄泥貪禽那自愛微物敢高躋滄
海龍猶臥深林鶴自飢乾坤正如晦不已有鳴雞
霖霖停朝雨紛紛披散晚雲亭亭孤塔見歷歷衆山分歸
鴈穿霞影遊魚動水紋東臯農事近不敢厭辛勤

贈王朗齋

古寺經旬雨連朝絕應酬晴光在庭樹仙吏忽扁舟
眉宇開雲霧詩篇動斗牛關西有同調珠玉互相投

偶感

聞說樓船將降旗信不虛沸唇傾酪酒屈膝獻犀渠羊
馬如山富蛟龍厭水居回思十一載報國最勤劬

紅梨

江左無春色于今十二年不圖梨蘩放紅艷更嫣然醉
態燈前麗霞光雪後妍臨春伴侶盡開落有誰憐

白燕

更值青陽節遙聞白燕來衣冠無故第縞素有餘哀彈

射愁先及干戈兆已開玉筐如可覆為近九重臺
壽何遠岑母

此生不自意獲見兩孤成歲入憑機杼年華問短檠鳳
毛今五色鶴髮已千莖無限冰霜過今朝一舉觥

高槎客嘉禮

尹吉西京望崔盧世誼求錦車花影密馴鴈語聲柔鳳
蠟輝珠珮龍香裛綺裘東萊工著述經月坐紅樓

賦得宵分聽雨聲

愁人苦不寐况復雨來時短燭餘殘照驚鳥無定枝寒
催衣事急氣溼鼓聲遲不必晨看鏡懸知鬢已絲

送錢揖石歸越限榛字

嗟予原旅客復此送行人兵甲愁中歲鄉園夢裏身分
飛渺烟艇相憶悵山榛後夜錢塘月遥憐正滿輪

海濱獵者見雲際有鳥縱鷗搏之徊翔而下乃鶴
也或贖之養于庭中懊恨不食數日而死賦一

律傷之

驚鳥方仄目良禽寧自全羽儀誰見重搏擊且相先松
栢春秋滅蓬萊夢寐牽景純真國士兵解至今憐

有持一鵠一鷹獵者鷹已得雉鷓往擊鷹死
春隴麥苗柔蒼鷹始下鞞乍看摧綵翼何意碎金眸同
室還相妬功高不自謀憑誰語文雉已報印支讐

歎息

秋蟬元寡欲鷗鳥本無爭未免螳螂怒猶為網罟櫻千
金家易盡三木罪何名歎息人間世黃昏獨倚楹

贈孫止文

剩有餘生在驚看白髮侵春秋非我事視息更何心木
石西山少波濤東海深迴思壯年志俯仰一霑襟

九日同姚渭公顧旁臯懷敬亭登枕流閣

九日憑高望澄湖萬景含荒村少黃菊久客慣江潭雲
急風從北霜清鴈自南欣逢尊酒至愁緒付微酣

酬趙尊客原韻

閩海吟詩客高懷百不憂連年困羈旅無異在瀛洲震
澤魚龍水包山橘柚秋如何挾雙美不泛五湖舟

送張寄亭遊燕

負薪真爾事生長叔敖家戶外飛黃雀塔前積蘚花輝
山空抱玉題壁未籠紗且向神州去逢人賣莫邪

帝京冠蓋滿水鏡豈無人善識千金駿能噓四海春飛
揚時有待龍蠖道彌神獨有南雲色知君引領頻

經徐金吾廢園

怪石群峯斷菰蒲一水荒枯槎哀古樹巨礎想高堂屈
指同遊盡疑眸落照黃吾年未四十衰鬢已蒼蒼

過金紫霞齋留飲

菡豆迷荒逕繁花覆小池香泥歸燕急深樹轉鶯遲萬
事惟杯酒千秋付奕棋村居少朋舊舍爾復何之

為宋簡臣悼亡

匣毀茗華玉。天沉婺女星。叢蘭春失艷。機杼夜無聲。斜
月窺虛幌。涼風蕩短檠。莊生鼓缶意。終是未忘情。

秋杪同王僧士過林溪書屋

地主情何限。深杯不用辭。高天久沉醉。我輩亦同之。赤
縣千秋淚。雄心五字詩。白頭還倔强。未肯蹙隨時。

贈姜蒼厓

豈必在巖壑。方云避世深。蕭然官舍裏。自抱白雲心。筆
底開天地。杯中閱古今。庭前有雛鳳。奮翅起珠林。

輓徐武靜

嗚呼先生所為者極難耳。文貞司寇之後。族盛

而名高。蒙噩之秋。或畫室自經。或遯跡海外。毛
鷲之吏。將甘心焉。先生以宗廟不可墟。族屬不
可破。委蛇龍蠖。以為死者去者。圖善後之策。蓋
孝子悌弟。出乎萬不獲已。而行乎心之所安然。
鬱鬱無歡。抱恨以沒。此其事極難。而心亦至苦。
今之人。或有未知。况後世耶。敬賦一律。為先生
闡幽。且以俟之百世。

進退兩艱。貞驚心久未平。生存亦何樂。之死更吞聲。百
口幸無恙。寸心誰見明。九原逢伯仲。流涕訴深情。

白髮

偶照青銅影。蕭蕭白髮盈。百罹心自苦。九死淚常傾。滄

海填猶濶恒山削未平。茫茫空對此何忍學長生。

夢徐晨茂

死友徐晨茂。連宵入夢頻。衣冠餘意氣。丘壠寄荆榛。弱子今艱食。輕裘昔贈人。茫茫身後事。俯仰一沾巾。

送錢越江入都

改服和琴日。鳴騶詣闕時。致身無却顧。報國有文辭。縹緲金莖露。青蔥玉樹枝。飄飄欲仙句。漢武最縈思。

寄錢越江

蓬署宸居逼。絲綸帝座通。揮毫星象動。得駿冀群空。藜杖仙人火。蘭臺大楚風。明年更巡狩。應載屬車中。

題畫次文休承韻

山晚雲將合。風秋葉自飛。喜聞清澗響。不覺啟柴扉。荒徑遺殘穗。高林映落暉。遙空有孤鶴。吾與爾同歸。

寄懷楊下人

吾懷楊少府。薄宦轉窮愁。有賦傳鸚鵡。無人狎海鷗。首陽今最拙。柳下古稱優。龍德雖剛健。因時善用柔。

題吳興沈木生小影駱士尊人

寶珪成白石。天地盡荆榛。不意黃埃裏。猶存漢逸民。衣冠今獨古。松柏雪為春。好待中元歲。青蒲裹画輪。

寄宋次王歸自燕山

大志誠勞苦。期為馬少遊。奚童驅款段。手板謁諸侯。壯齒纔三十。銓衡鏡九流。折腰非所憚。需次且淹留。

京國人如海雲情薄似秋蓬菜樓閣幻慈嶺雪霜幽青
眼殊難覓黃金不稱求迴思錢學士高義迴無儔
旅館喜初晴塵沙撲面輕桃猶江左色燕是故鄉聲燭
至誰同烙觴來只自傾豈無鄉黨客未可訴衷情
豐臺芳草歇歸思已怱怱張釋堪驂乘天關苦未通海
魚輕鱠炙家釀勝郫筒况復山窓下新篁引惠風

錢存拙齋詠鼓

生世逢今日能毋將帥思援桴忘勁敵受諫有危辭鷺
隱雷門革魚雕蜀木枝慚無救日力空效畱夫馳

寄朱彥則

大雅今誰作朱生未易才河流雙掌瀉天半五雲開曠
覽無前古長鳴動九垓弱毫休漫賦留取頌雲臺

詠螺同胡旅方賦

卦有離明象金成鍵戶鋪紅杯刻鸚鵡翠黛画雙蛾測
海形骸小藏香歲月多護明吹徹處天樂勝雲和

詠雪和曹崑宅韻

歲逼窮陰候連朝雪屢霏河山不可辨天地自相輝頗
怪梅花晚深嫌酒力微春風來已近任爾縱寒威

再游橫雲

橫雲秋色好扶杖獨登堂良友俱千古衰年淚數行菱
根猶曳水楓葉不愁霜顧乏王喬術臨風黯自傷

同王澄遠看菊限車字

散步入村墟。風高木葉疎。莫愁霜露早。喜遇菊花初。細蕊團金縷。寒香散玉除。柴桑歸計定。終不羨高車。

渡海禮補陀山同壻盛嶠

無可分高下。孤帆入海天。蛟龍臥星斗。波浪沃雲烟。山翠時時換。風颺日日顛。寶坊何處是。南指落霞邊。磴道亘長虹。前朝物力雄。珠林經劫火。鐵藕更春風。興廢循環事。衰齡電影中。吾生竟如此。精衛恨何窮。

頤頷集

華亭吳

騏日千著

七言律詩

上錢相國

天顏咫尺語從容。空谷何期動大風。蘓軾竟為團練使。上皇終念曲江公。已蒙聖德歸田舍。莫使明農臥海東。應有蒲輪來闕下。願將遵渚咏飛鴻。

庚辰秋觀金山衛大閱

豹纛龍牙出海城。朝霞紅照鐵衣明。驚搖屋瓦傳呼急。不動浮塵列騎輕。遠國已聞來白雉。聖朝無事斬長鯨。偶當鷹隼乘秋日。大野茫茫一厲兵。

南都得北訊

甲申三月

何人馳騎帶橐鞬。倉卒晨呼司馬門。堂上張皇群駭問。
堦前慟哭已無言。共工觸石傾天柱。彗孛流光入紫垣。
幸有留都尚無恙。諸公應念孝陵恩。

甲申秋觀吳淞閱水師

橫海將軍大勒兵。艤艫氣壓海波平。前驅欲近扶桑島。
後壘猶依滬瀆城。五色旌旗圖水怪。四天鼙鼓動潮聲。
南夸久已歸王化。講武終當厲北征。

乙酉除夕

秋來未得驚魂定。鄰里喧傳是歲除。先祖豈知王氏臆。
徵君仍著晉人書。梅花香逆離愁動。草木青回戰伐餘。

明日山齋書甲子天王正朔欲何如

三月三日集六益齋得微字

永和癸丑蘭亭後。江左風華歎式微。草澤行吟心不展。
英雄沉醉計終非。坐看日昃人空老。不覺春深花自飛。
紅炬將殘共分手。非關別恨獨霑衣。

春感

澤國移居老漢臣。清江處處柳條新。年華屢見元熙曆。
雲物疑逢異域春。失意英雄栖白社。乘時花鳥傍黃塵。
可憐陰雨兼旬月。矯首無繇望北辰。

自有東風動暮寒。更無遲日到欄干。震雷朔雪相兼至。
岸李江梅次第殘。慟哭虛傳河右表。謳吟猶望部南壇。

山川風景今何似，獨上高樓極目看。
苔花薜荔滿遺宮，舊事猶存想像中。
萬戶垂楊初過雨，層臺舞袖迴臨風。
窺窓玉女殘金碧，倒井蓮茄黯綺紅。
神禹平成功尚在，冀方安邑已飄蓬。

漢皇陵寢鍾山上，珪瓚年年事祝釐。
永夜群靈朝虎帳，有時陰晦見龍旂。
青銅溜雨千章木，碧瓦含風百尺基。
七載不窺松柏路，夢中瞻拜重淒其。

麟符玉節古天潢，磐石崩離霸業荒。
且挽庫車稱賈豎，莫言隆準似高皇。
草生梁苑池臺沒，日下燕城睥睨黃。
昔日鄒枚頭白盡，誰能抽簡賦靈光。

寒食東風草樹稠，富林夙昔想同游。
銜盃晝永花臨戶，論易宵分月上樓。
四海無人藏複壁，千秋遺恨託江流。
生芻麥飯俱寥落，落日荒原哭太丘。
元卿削跡滯天涯，卉物傷心改歲華。
城下釣竿誰進食，市中胡餅久無家。
蛟龍水濶魂難度，鴻雁春歸信轉賒。
生死交情如隔世，不勝清淚灑殘花。

行年三十鬢毛衰，及此青陽共舉杯。
浪蝶狂蜂紛見侮，雨鳩晴燕坐相催。
夢回司隸衣襟溼，賦到湘江草木哀。
歎息麒麟偶然至，野人無事荷鋤來。

九日

九日涼風自北來，淒其絺綌強登台。
乾坤蕭索無生氣，萸菊參差亦暫開。
半世身名餘慟哭，累朝風物竟塵埃。

漢陵糕餌憑誰薦野老何心更舉杯

飲葵花庵

老僧手種葵千樹載酒來游正及時諸子素稱天下士
一樽先酌向陽枝吳山麋鹿追隨久閩海魚龍變化遲
醉裏悲歌時一慟風塵老我竟何為

集六益齋

戶外花光照夕陽高人同集歲寒堂狂歌取醉真長策
蓄意難申託短章蔓草綠凝千里望衰桃紅墮一溪香
遙思癸丑衣冠會江左夷吾不可忘

鹿門草堂宴集分咏漢高

武媪壚頭酒未闌醉中斜戴竹皮冠秦皇東望驚雲氣
神母西來哭夜寒萬里冥鴻懷綺季一時烹狗負彭韓
未央上壽真無賴活得杯羹且盡歡

漢昭烈

名儒盧鄭久周旋正值黃星受命年蛇劍已移三統曆
蠶叢手割半隅天金甌付託伊周佐玉几彌留顧命篇
一代英雄生死際銅臺遺令最堪憐

唐文皇

風雲慘澹群龍鬪年少真人起晉陽屈指生擒數天子
揮毫閒寫十三行星移太白迴宸極日照高昌散雪霜
天寶倦勤慙祖烈却憐花萼獨輝煌

得王玠右書言及荳苗為蟲所食

美人離別動經年燈下欣看尺素傳
落落晨星傷聚散
盈盈天漢阻纏綿
鳳凰久失丹山樹
螟螣休侵彭澤田
念我飢驅長作客
窮愁相對一潸然

贈沈雪峰

劫火一空堯率天
寥陽此日散群仙
孤身暫託祇林境
衰鬢驚看五十年
楚澤芳蓀供採擷
商山遺老共周旋
夜來短夢能相憶
同泛浮槎日月邊

懷王名世

楷模天下屬王生
况復文章莫與京
武庫乍開朝氣銳
九淵獨得夜珠明
遙聞臥病春猶倦
回憶分攜歲屢更
最是觀濤堪愈疾
申江殊有怒雷聲

傲義山體

碧瑣花光繞鏡臺
畫梁雙燕正飛迴
東方千騎踟躕立
雲際高樓縹緲開
大路攬袂私未敢
春風吹夢或容來
自憐夙有專城壻
辜負君家作賦才

綺閣微吹淡淡風
海棠猶在錦帷中
枕前文蛤千年影
堦下珊瑚八尺紅
小袖李文春思薄
息肌沉水夜香通
六更更報蓮花漏
莫道朱欄日色融

碧海波平月滿輪
笙歌千騎踏香塵
十重錦帳時時夜
五色鮫綃樹樹春
嘉果合歡馳騎急
長蛾宮樣曉粧新
芙蓉一萬開南苑
誰是當年第一人

畫閣風傳十里香
曲房迢遞夜珠涼
木奴把燭龍膏暗

春恤傳膠錦帶忙雜珮自懸裙上月重幃不信夜來霜
尚衣捧進波紋縠花影朦朧已滿窗

錢葆勳齋分韻得寒字

西風驅鴈曉霜寒秋杪相逢菊未殘駒隙幾何嗟濶別
蟹螯入手且盤桓古今頓覺衣冠盡出處俱憐道路難
倚劍獨歌哀郢句樽前多淚不成歡

青蓮閣驟雨懷沈雪峯

寧龍捲雨下中天咫尺樓臺總是烟簷角喧逐驚倒峽
九衢浩渺欲通船黑風滿眼乾坤失白髮傷心歲序遷
遙憶窮交子桑戶并將歌哭付哀絃

計子山樓頭坐雨

窮交促膝話飄零風雨樓頭晝晦冥悵望九州雲氣黑
摩挲三尺劍花青樽前無計留殘臆天外遙傳有漢庭
竹馬舊遊如昨日相看華髮總星星

贈彭萼峴

自陪謝傅圍碁後不到橫溪十五年忽見文孫詞賦好
直追風格景雲前春生上苑花光麗日濯咸池海色鮮
縱使中原多勁敵橐韃誰敢共周旋

懷袁介人

袁虎才華擅一時年來踪跡久參差姓名暫許人間識
心事惟容鷗鳥知溷跡泥途元自愛論交我輩不相疑
何當牛渚江中月停舫聽君咏史詩

懷何次張

不見高人何次張春風秋月兩相望百篇醉後才猶健
十畝荒來餓不妨著述未成遭劫火錯刀欲贈隔江湘
連朝霖雨前溪漲擬泛扁舟到草堂

次韻酬林武宣

君涉修途憂枳棘我同止水任盂槃鸞鳩蓬艾飛還息
黃鵠天風高轉寒冰雪隆冬驅馬倦波濤滄海採珠難
此生農圃真長策莫向神州發永歎

飛鴻南北本無緣雪跡泥踪盡偶然俯仰千秋同逆旅
畊芸尺寸亦良田松筠喜傍羅含宅蝦菜相攜范蠡船
此日晤言殊自暢恍疑身在永嘉年

寄懷馮介臣

時客大梁

柳絲初綠送征衣又見空梁乳燕飛遠道最憐新白髮
離群應念舊漁磯山連嵩少雲霞逼路隔江淮信使稀
知爾次臺供眺望五言吟就送斜暉

送陸孝曾之河南兼訊子山

河南舊是東都地送子單車事遠游城繞澗瀍圍王氣
山開嵩少壓神州登臨每憶先朝事風景還生異國愁
若遇故人相問訊延陵無恙老羊裘

馮水甄邀看梅以疾辭之

高會西園羅衆賓清羸洗馬獨傷神幾年竹葉同君醉
此日梅花非我春多病漸銷湖海氣百憂未死義熙身

遙憐風急應張幄莫使孤山染暗塵

贈陸翼王

文山昔日乘箕去流落人間有謝翱仰望雲旗時彷彿
醉歌天問轉牢騷交游滿眼皆鷗鳥今古陶情有蟹螯
四十年來多逸事麟編衮鉞待君操

同陸孝曾訪何元琦留飲

海內無人可共言獨攜同志訪衡門主人自有東山興
上客能傾北海樽短服狂歌存漢臘疎星新月竟黃昏
殷懃相送前溪路我輩終非老灌園

寄懷金天石

故人落莫依江海遠賦新詩慰寂寥天下幾人能隱遯

漢家九鼎賴漁樵烟疎栢栢停春雨水黑蛟龍起暮潮
憶爾臨風空佇立綠楊飛絮滿河橋

寄六益

昭代文章擬漢京我家康樂最知名盡驅衆水歸江漢
獨屏軒懸奏大誥離別經年頭欲白相思千里月同明
衡門慎爾無輕出四海橫流正未平

中秋 倣義山體

叢桂秋風冷洞房徘徊紈扇攬流光緯珠半捲飛烏鵲
橫玉哀音繞鳳凰江水青楓堪極目離宮白露已霑裳
昔年明月曾如此歌舞迴憐夜未央

題周釜山使車雜咏

文山兵散柝聲殘使者輶車去不難
閩越峰巒雲外出
晉陽詩句夢中看城連荔樹溫風溼
岼落桐花驟雨乾
莫道偏隅非勝地福州亦是舊長安

寄懷馮介臣

每從令弟語纏綿竟日含悽念汝賢
雙鬢早衰踰五十
孤身遠客又三年夢回月色虛窓裏
酒醒鐘聲短燭前
書札數行傳涕淚河山一望隔風烟

送計子山入都

早年問訊輒登堂同作臯魚思轉傷
俯仰乾坤真負罪
徘徊岐路總亡羊久知白髮難相放
值此青春且盡觴
相對預愁相別後江南薊北兩茫茫

雷雨夜坐

水國春寒細雨滋雷聲殷殷度雲遲
飛揚塵土應稍定
蟄伏龍蛇正待時鏡裏衰顏非故我
堤邊垂柳漫新枝
江花江草年年事野老燈前有所思

來青樓看海棠

積雨兼旬春事遲朝來晴日散遊絲
扁舟西去水平岸
喬木參天花滿枝國色驚心看不足
舊遊如夢立移時
憑欄日暮無歸意月下重傾金屈卮
清曉繁花更動人日光初著露華新
嫌山紅雪飛初定
泉客鮫綃染未勻短髮暗傷春色暮
窮交老覺酒杯親
歡娛莫放今朝暇回首東甌有戰塵

集紫蓋山房得曹字

陶家三徑啓蓬蒿雨歇衰楊風怒號故舊相逢杯易盡
竹林回望月初高神狐夜語重張楚石馬新圖大討曹
四海衡流正難定一丘耕稼敢辭勞

同子山宿武子齋得多字

郭外東風轉薜蘿故人書札到羊何開簾坐對群山色
新釀堪為十日過命駕欣然攜襪被持杯率爾發高歌
年衰但恐歡情減夜久相忘醉語多

城南訪菊同陸集生徐霄賓

白苧城南路不斜攜朋來訪故人家三年病臥行先倦
十月霜遲菊正花泛酒陶公曾乞食餐英楚客竟懷沙

憑欄惆悵無窮事滿目殘陽噪暮鴉

次張子石韻

永嘉舊事總難憑相對悽然一草亭風景傷心非昔日
交遊屈指剩晨星樽前雙鬢從添白雪後孤筠不改青
生計祇餘沉醉好奚童呼到指銀瓶

輓曹浣心

漸覺年來事事非今朝老淚重沾衣知君已厭形骸累
顧我何堪故舊稀別後俄驚春已半病中翻羨爾先歸
幽窓此日何人到一樹桐花對夕暉

次楊耐菴韻

黃旗紫蓋已成空風景新亭迥不同捫蝨未甘依塞北

儻牛只是老墻東美人忽贈雙明月快意如乘萬里風
詩就何人能却寄北來鴻雁許相通

次陳健夫韻

健夫燕山人

朔風滿目是塵氛
遊跡荒郊絕見聞
自笑鬚眉同積雪
忽驚麗句比卿雲
學探鳳紀才誰匹
筆舉龍文氣軼羣
歎息故交看欲盡
晚年何幸復逢君

簡董蒼水

燕越周行萬里途
清詞麗句滿江湖
一時鞭弭誰同調
千古敦盤屬左徒
珠海月光通蜃域
金臺雪色耀皇都
歸來寂莫荒園裏
繁露新篇著就無

贈林安國

蚤歲遨遊洛水濱
那知天地忽風塵
玉顏暫作平原客
皂帽終非魏氏臣
家散萬金無德色
書成千卷有傳人
吳剛家在清虛闕
期爾同登七寶輪

晤王玠右談及天石慨然成咏

相思菀結數年餘
一見歡然意氣舒
衰鬢幾時成大藥
緩行未擬用籃輿
嚴霜朔雪頻經過
翠栢蒼松迥自如
獨念當年同座客
高橋迴望只欷歔

移居別金遠及

別離意緒總悽然
生死交情更可憐
黃土無端埋玉樹
高山誰與問朱絃
今朝薄醉旋分袂
此後相逢動隔年
再世通家誼不淺
魚書莫惜數行傳

送張思微游太學兼寄沈司成

簪裾七葉漢名臣家學青箱迥絕倫千里自矜龍種異
五花共喜鳳毛新願遊太學交群俊身到靈臺近北辰
寄語后夔勤教胄幾時霖雨萬方春

題江含清別業

先秦諸子各分疆險與真如度呂梁每恨青編訛帝虎
虛傳墨守是公羊游心自覺人寰隘入夢惟聞汗簡香
只此數椽堪卒歲何須二酉問書倉

春寒

苑外層冰繞曲塘江頭蒲柳望韶光微陽不散千山雪
新月還疑萬戶霜綺席笙簫愁玉指深宮花萼費硫黃
何當日暮東風至霧縠輕綃一換裝

集武子齋送別宣城沈子分韻

宣城才子動歸思越國王孫願繫維桂酒最能醫白髮
蘭舟何惜繫青絲論心滄海揚塵日悵別蕭齋夜雨時
愧我十年焚筆久老農何事復題詩

寄張梁公

孤松叢菊自盤桓絳節輶車舊漢官傲骨不隨天地改
玄言霏酒雪霜寒萬金久廢留侯產斗酒猶供陶令歡
別後經旬積霖雨思君時向暮雲看

壽許霞城先生

漢家遺老鬢如絲坐對空王有所思列曜尚遲東井日

攝提已指孟陬時渥顏自駐非丹鼎壯志難平託酒卮
更俟十年應賜履玉璫青社未為遲

集張帶三齋限侵字

草堂高會比山陰分韻爭看發鳳吟樓閣千重滄海氣
咸英六代帝王音濁醪炊黍盤餐薄黃獨長饒稅斂深
此日懽娛偏不減松筠真耐雪霜侵

看桂贈莊天申

南華堂後雙株桂每到秋深自吐芳涼氣侵肌知露白
金尊入手映花黃連宵驟雨真添恨此地含風不散香
來歲金臺明月下相期攀折莫相忘

用徐文貞公橫溪原韵寄彭孝緒

一別橫溪歲序迢畫亭曲水境寥寥喜聞嘉樹存先澤
自愧輕舟阻暮潮讀禮漸看織縞換積薪殊恨剖符遙
好將詞賦傳京輦應使宮人咏洞簫

喜雨

性畏炎蒸事事慵解衣北牖暫從容亦知天意憐禾黍
忽見涼飈鳴古松冒雨乍歸花外燕屯雲遙掛海南龍
登樓處處農歌發隱几懽然倒玉鍾

酬錢飲光

一夕涼飈吹古松僧寮岑寂少懽悰詩成只益羈人怨
裘綻難邀小婦縫歸緒身同梁上燕衰年淚盡鼎湖龍
悠悠當路誰相惜却悔扁舟過五茸

送沈彞叔南季兄弟北上

十月江南柳未黃，潮生水驛送輕航。
錦帆映日不知遠，梅蘂先春欲放香。
西漢文章推賈董，東京事業重袁楊。
趨庭好為蒼生問，霖雨何時及萬方。

集張振玉齋

酒伴年來更幾人，百回相過轉相親。
游蜂暖逐初晴日，梅萼香傳小苑春。
每對壺觴忘爾我，那知天地尚風塵。
晚來不必爇華燭，移席南窓月色新。

輓徐默庵

鳧鳥曾飛漢沔間，抽簪高臥白雲閒。
玉樓一夕徵新製，金鼎千秋失大還。
無復笑談傾綠酒，空餘碑版對青山。
南園池上芙蓉好，惆悵臨風不忍攀。

孫禮有以舅氏何職方慤人行實及所作輓詩見

示賦贈

職方忠義原天植，身死封疆大節明。
四海至今傷殄瘁，三山從此盡欹傾。
堅周早瘞嗟無子，扶路悲歌尚有甥。
闡發幽光是君事，招魂賦罷淚縱橫。

壽龔淵度

九峯耆舊今誰在，龔勝年登八十秋。
健步尚能尋故友，高懷常喜醉新筵。
傳經弟子多冠蓋，洛社耆英互倡酬。
把釣橫雲溪水上，剖魚曾得玉璫不。

病起酬王僧士

端陽幾作岱宗游。瘦骨支離又暮秋。自古幾人能不死。
于今七十更何求。食新幸脫桑田語。話舊真如藥石投。
濁世久知歸去好。餘年應為故人留。

送牧堂上人北遊訪道兼觀五臺

擬將心得印明師。北上艱難總不辭。晝失四維沙起處。
寒生千嶂雪飛時。寂然音外言何寄。一瞬光中悟已遲。
我解臺山容易到。路途驀直更無疑。

晤王僧士談近况賦此贈之

八厨氣節冰霜厲。七子文章江漢流。造化忌才真妬汝。
陰陽為寇輒相求。丁年貽厥嗟黃土。丙夜呻吟對白頭。
學道祇堪供一笑。室廬將敝不須修。

次韵酬丁勗菴

草舍叢篁不見天。素琴掛壁本無絃。餘生久已依長鍾。
國士虛勞贈綵牋。濁酒但須娛暮日。浮名何用問千年。
有涯莫與無涯競。最愛南華第二篇。

青村墅西有水方。折可抱頃許宋子。楷庵將為千
秋之宅先築室。其傍予顏之曰方塘小築。而系
之以詩

乾坤擾擾似浮萍。喜對方塘曲水清。荷鍾提壺今日事。
蒼松古檜百年情。時邀朋好能銷暇。偶賦新詩不為名。
却笑長安頭白叟。五更踏雪入承明。

胡南武以詩見懷却寄

蓬蒿寂寂掩柴荆多病經年不到城
朽鈍甘為天下棄
綢繆何意故人情
開尊酌忘春暮觸目珠璣覺夜明
歌罷懷君多遠思
江天月出正潮平

寄懷徐松之

城南古寺昔同游
惆悵高人道阻修
紅葉漫餘祇樹色
白雲屢改越山秋
自從知己論針芥
豈向風塵惜蒯緱
西望每驚星采異
羨君晨夕聚應劉

細林燕集

閒雲野鶴偶相值
我輩何曾有去來
吳越山川共杯酒
叱離天地此登臺
千章密竹春陰合
一樹衰桃夕照開
痛飲狂歌擬申旦
長年三老莫相催

輓徐節母

紅蘭中夏萎妍芳
黃鵠孤飛黯自傷
汗血漸成千里足
蛾眉已作九秋霜
海山自換新鰲極
止水恒留舊鏡光
地下兩髦欣再遇
北邙松柏歲年長

送查嗣典歸休陽廬墓

擾擾塵埃五十年
有懷明發轉潛然
雪泥鴻爪真難定
銜索枯魚倍可憐
夜雨松窓迷杳靄
春風白燕舞聯翩
徵書只恐來幽谷
未許君題誓墓篇

頗頷集

華亭吳

騏日千著

五言排律

感懷時事五十韵寄計子山陸孝曾

十月寒風急浮雲暗大荒客行愁道路時事慮蕭牆
北非吾土秦中亦異鄉空憂天欲墜未見日重光
廟略慚靈武軍聲謝朔方元臣誇定策列帥許勤王
好爵娛姻婭官評視篚筐簾編青鳥骨玉斲辟邪香
冠蓋晨先集笙歌夜未央米蠶裁寶帳墮馬鬪新妝
營窟謀初遂憑城氣轉揚荆牛烹可待國狗噬何狂
鐵券封蕪峻丹書錫董昌年年竭東杼夜夜出南塘
敵愾皆鼯鼠端居

卽虎狼至尊容桀驚群醜益鴟張百里無煙火千家絕
稻梁軍行咸擁婦鬼哭暗聞殤朽索飢難馭開籠飽欲
颺先須憂輦轂莫道劃清漳每作虬蟲鬪深虞鷓蚌亡
內睽戎伏莽外侮剝侵牀伊野今披髮撐犁已辦裝豈
徒求幣帛直欲改冠裳劇盜鋒稍遠函關勢尚強霧迷
黃帝陣彗集紫薇房庸蜀稱艱險江山近毀傷倉皇逃
吏卒笑語下荆襄造次分旄節安危作棟梁諸公咸倚
重我意獨徬徨厚寵雖三錫雄圖愧一匡籬籬殊未固
肘腋况難防邯敗惟降楚温強且叛唐養蛇將螫手筦
庫遂探囊反覆前堪鑒陵夷後必殃終當迷白日何不
戒清霜下士栖蓬室無因叫帝閭詩題蕉葉徧風到葛
衣涼濁酒漓難醉悲歌激不妨愁來尋夢寐亂後廢文
章天路何修阻洪流正渺茫私心圖國是未敢告明堂
同社多英俊居貧更慨慷計倪胸府庫陸賈筆琳瑯野
鶴栖無地潛龍鬱有芒華陰終拂拭霄漢自飛翔壯志
清河雜交情重大行風濤為砥柱冰雪見松篁縱使三
靈改無移百鍊鋼累朝皆重士努力報高皇

壽徐晨茂先生

世廟乘乾日文貞作棟梁奮庸熙庶績戩穀慶無疆文
德承三統威靈震八荒裔夷咸執玉天子坐垂裳政績
流絃筦勲華紀太常國恩傳赤紱家學擅青箱遺笏風
華古良弓奕葉昌文孫誰傑出夫子最飛揚麗句昭河

漢神功闢混茫搜竒徵貳負博物辨僊囊班馬供駮服
鄒枚愧上襄江沙新篆籀魯壁舊絲篁綵筆擒鸚鵡玄
言吐鳳皇鐘球原寡和江漢渺難量意氣輕山岳聲名
動廟廊奴呼霍驃騎兄事汲淮陽身有三公望交多大
父行五君思把臂八俊許登堂遠道來冠劍終朝醉玉
觴金盤羞素鯉翠釜薦黃羊畫閣春風麗娛賓夜未央
蜃脂燃寶炬珠箔奏清商雅調前溪曲新鬢萬壽妝層
波低自媚薌澤暗聞芳歌舞方歡洽雄心自激昂朝廷
今肝食邊塞急秋防利器須盤錯英才莫卷藏但能舒
驥足不復長羊腸瓊佩晨留照金羈夕辦裝馬蹄千里
雪龍劍九秋霜結客過

姓字壓西羗聚米山川出

尾壁壘光披襟送歸鴈屈

指殪天狼竚奏檀車勸行歌杖杜章君王憂可釋夙昔
願初償斲石銘姑衍釐珪拜召康豈知多齟齬未許効
勛勦虎帳來中尉麟符聽左璫諸軍憂半菽大帥喜承
筐血戰頭空白多金綬已黃元功推石顯微罪効陳湯
浩歎歸初服抽簪返故鄉浮雲日已蔽燧火竈初煬待
駕皆疲蹇充帷半蝓蟻修蛇食上國龍馭失軒皇四海
皆旣脫三吳亦戰場冥鴻成遠遯老驥獨悲涼任俠黃
金盡憂時白髮長詒孫無負郭食客散原嘗勁骨餘松
栢謀生拙稻梁黃裘空漢服皂帽老匡牀自誓長薇蕨
何曾改桂薑天心終厭亂故老未凋傷版築堪金礪漁

漢神功闢混茫搜竒徵貳負博物辨僊囊班馬供駮服
鄒枚愧上襄江沙新篆籀魯壁舊絲篁綵筆擒鸚鵡玄
言吐鳳皇鐘球原寡和江漢渺難量意氣輕山岳聲名
動廟廊奴呼霍驃騎兄事汲淮陽身有三公望交多大
父行五君思把臂八俊許登堂遠道來冠劍終朝醉玉
觴金盤羞素鯉翠釜薦黃羊畫閣春風麗娛賓夜未央
蜃脂燃寶炬珠箔奏清高雅調前溪曲新鬟萬壽妝層
波低自媚薌澤暗聞芳歌舞方歡洽雄心自激昂朝廷
今盱食邊塞急秋防利器須盤錯英才莫卷藏但能舒
驥足不復長羊腸瓊佩晨留照金羈夕辦裝馬蹄千里
雪龍劍九秋霜結客過燕代微官到冀方咨詢傾幕府

姓字壓西羌聚米山川出傳麾壁壘光披襟送歸鴈屈
指殪天狼竚奏檀車勩行歌杖杜章君王憂可釋夙昔
願初償斲石銘姑衍釐珪拜召康豈知多齟齬未許効
助勦虎帳來中尉麟符聽左璫諸軍憂半菽大帥喜承
筐血戰頭空白多金綬已黃元功推石顯微罪効陳湯
浩歎歸初服抽簪返故鄉浮雲日已蔽燧火竈初煬待
駕皆疲蹇充帷半蝓蟻修蛇食上國龍馭失軒皇四海
皆旣脫三吳亦戰場冥鴻咸遠遯老驥獨悲涼任俠黃
金盡憂時白髮長詒孫無負郭食客散原嘗勁骨餘松
栢謀生拙稻梁黃裘空漢服皂帽老匡牀自誓長薇蕨
何曾改桂薑天心終厭亂故老未凋傷版築堪金礪漁

竿得玉璜岱宗將會命昂宿漸銷芒杖鉞齊方伯安車
漢子房書生仍豹變皓首自龍驤顧我無文彩猶思賡
拜颺雲臺如作頌稽首贊明良

壽王君謨先生

玠右名
世尊人

天下王夫子樓遲大海邊高懷安杼粟灑氣薄星躔丘
壑辭塵鞅岡陵得大年五朝遺老在九鼎一絲延憶昔
炎興歲乾坤未變遷山城驅匹馬講舍見銜鱣簡重推
盧植淵深擬服虔境疑風舞日人咏譽髦篇撰杖皆英
絕趨庭更偉然長公方鳳起仲氏亦鸞騫文跨東京上
詩追天寶前揮毫腕如電批窾目無全草稿書纔屬京
都賦已傳蛟龍翻鉅海珠玉散遙天閩越求梁棟吳材

得梓榭承明初束帶江水已投鞭浴鍊圍温室縱金指
式乾古公走馬避彭澤荷鋤還道路猶多梗深山且一
椽峯巒閩名勝雲霧隔腥羶絕嶂人踪少荒溪虎跡連
間關歸白社寂莫一青氈麥隴晨驅犢菱塘暮刺船餘
生託薇蕨心事問清漣皇覽揆初度微陽應斗璿天心
留碩德人望在耆賢世德同宗測三君邁潁川自能躋
太古不必慕神仙椒栢開新釀臺萊續舊編穆如慙吉
甫珉玉不堪鐫

寄計子山

北面扶風日追隨積暮朝余時方毀齒君亦未垂髫
白疑相析楂梨席屢邀司州曾共被河洛願連鑣異日

無相棄成言在久要左驂盟白水雕虎發清飈豈意多
留滯於今尚寂寥十年空意氣萬里未雲霄寄跡鄉村
迴相思歲序迢歸心憑暮閣極目阻春潮鴻鴟長無託
豺狼近轉驕櫓槍侵帝座跣躄犯神堯廟哭聞群鬼龍
升挾二姚地中誰碧玉署內自金貂笑語喧凝碧嵩呼
動麗譙頽風傾海嶽高義屬漁樵周道傷多難橋山賦
大招有心孖犬馬無力殪鴟梟江左誰經畫當塗半獍
獠南衙相水火北闕禁歌謔但得房闈樂寧思風雨漂
我儕憂未艾黔首倖難僥何日誅袁呂無人睦戴刁踟
躕虞一旦歎息起中宵念爾多悲激當秋更沈寥貧無
樽酒寄塊磊待誰澆

同金天石宋峨修簡臣裴騫泳咏綠樹全限鹽字
朱明花事盡綠樹擁高簷但覺重陰合安知日色炎繞
堤縈錦纜近市拂青帘雲氣通巫峽嵐光罨白鹽護巢
乾鵲喜避彈乳鴉潛似幙迷朝霧如鈎露晚蟾醱醅凝
酒盞車壁暗油幃鸚羽棲難見鵝黃色已添連山螺黛
密蘸水鴨頭漸更憶柔柔徑羅敷玉指纖

輓張行人梁公

漢吏幽棲者梁公世所稱知非年正壯過隙壽難憑憶
昔先皇世南宮獲早登油車張翠幃宮餅賜紅綾興慶
花千樹慈恩塔九層臨風人似玉卜夜酒如澠使節從
天降騫槎北斗乘豈知來楔猱倏忽損鷓鴣建始鳴笳

鼓含章倚棘荆傷心移玉曆雪涕望金陵梅尉甘長往
龔生不受徵海鷗真曠遠霜柏見丰稜荒圃看移竹橫
塘學種菱夢魂依舊臘心事擬寒冰已覺紛華淡何言
疾病仍物妖占鵬鳥相弔託青蠅揮塵音如昨亡琴恨
不勝庭閒芳草合閣掩暗塵凝汗簡留千載空帷冷一
燈手題懷舊句淚滿剡溪藤

送金天石游燕

儉歲艱晨夕衰年更道途高鴻今獨往野鹿舊相呼臨
水情難別斜陽影轉孤山川阻骨目冰雪到髭鬚河朔
風沙暗橋陵木葉枯無窮懷古意流涕問金鳧

同忠大師董得仲游神鼉仙館

赤帝膺圖日丹書下此山神仙原不死使者竟空還劍
佩留疑塚龍鸞返舊班空樓藤蔓合斷碣蘚痕遍我輩
登臨者棲遲大澤間秋風哭禾黍夜鞘響刀環每念神
農沒終憐雜士頑山川千古在俯仰一潛潛

寄懷計子山

意

子山吾良友茅茨隱水涯鬚眉森自異塵土孰能埋憶
昔同年少相期踐泰階卿雲呈第鬱威鳳吐噫喏斗極
俄顛沛參旗互擠排牛頭飛巨電羊角捲陰霾鍊石終
難補蘆灰事不諧桑麻真分內魚鳥即同儕春岸并楊
樹秋田拔豆稽花源非典午醉境入無懷三略書何用
雙成信未垂丹成攜手去騎鶴伴洪厓

寄懷金天石

旬日陪吟嘯雄才爾不凡風雷生動蕩渾沌剖機絨鵬
鷲為旗幟蛟龍受轡銜清思三峽永奇句一峰巉照乘
珠何麗連天草盡芟赤文搜玉笈梵字出金函憂擊能
忘寢華腴亦解饒驪歌忽戒道鳳德阻深巖雨積黃梅
苦潮連碧海鹹地同梁傅溼愁似楚臣讒四望傷王粲
多能憶阮咸欲知求友意梁上燕呢喃

訓沈雪峯小至見懷之作

祇園聊寓跡風雨對寒林值此一陽節彌增萬感心側
身天地狹萬日歲時深酒減忘憂力琴添傷亂音潛龍
遜無悶匪虎餓寧禁慕託在前古沉冥還至今仰觀兼
俯察慟哭更狂吟寄謝同心友高天非久陰

壽錢武子

得姓從三古乘時歷五朝龍章來北極鯨海割南條去
國如傳舍銘勲在不祧清門有麟鳳彩筆富瓊瑤力學
忘寒暑潛思洞沈寥宏章開日月瑣語散蘭苕一作梁
園客群公倒屣邀新篇蟠木几故態穀皮帽元禮同舟
度田文置醴招傾歌揮醉墨璀璨滿長綃座客驚鸚鵡
宮人識洞簫過都誇十影擊水起重霄才擬相如似時
非漢武遭寸珠難見售千鑑價空標桑孔輕儒術詩書
遂道消娉婷嗟不字山水慰無聊越海連天漢燕山逼
斗杓塞雲供立馬江月信輕舸秋水思蓴菜春田理豆

苗雄心寄松菊霜鬢已飄蕭余本避世士與君童穉交
飛沉雖逕庭鵬鷗各逍遙老去情逾厚窮來氣轉驕高
談少同輩相得有醇醪句吐恢奇氣杯將醜磊澆貽君
紫芝咏何減白雲謠

題雙松圖為潘時叙壽

矯矯凌霜質雙松並出群高枝摩日月修幹俯烟雲鱗
蹙蛟龍氣膏凝琥珀芬山光千里見濤響半空聞玄鶴
齡三古青鸞羽九文堯年常益筭秦爵久書勛欲獻南
山壽寧辭彩筆勤捧觴瞻氣象蒼翠正氤氳

讀孫公粲先生傳

漢室方多難單于入劍門一城如斗大萬騎竟雲屯慷
慨孫州守孤忠報國恩投薪焚洞屋裂帶裹瘡痕接戰
連朝急風沙薄暮昏飛蟲鏃雨驟藺石火雷喧力竭危
城陷身亡毅魄存地薶青玉血潮壯屬鏤魂不負千秋
志誰鳴闔戶冤壘書三錫命廟食世蘋蘩天裂群星墮
山移海水翻九京如再起願與破樓煩

同金天石宋峩修簡臣訪聖墨上人次天石韻

墨公真靜者經歲掩柴關一見情相得重來鬢已斑身
名春夢短天地草堂閒風度疎簾隙涼生茗椀間清談
真不倦薄暮欲忘還白業遲回首青山一汗顏小橋歸
路曲相送碧溪潺莫道宗雷輩高風不可攀

顛頷集

華亭吳

騏日千著

五言絕句

題蘆鴈

水落沙洲濶。霜清蘆荻寒。南來終是暫。莫作故鄉看。

古意

妾年十有四。郎年十有五。聞郎有兩妹。長短何如我。

吳飲

語聲傳隔岸。香氣度花陰。楊柳堤橋上。迴眸一片心。
花影入窗櫺。鳴機且暫停。去年同織者。今日已歸寧。
亦自多羞澀。其如郎可憐。故將紅玉玦。遺在杏花邊。

為製吳綾袴。紗窓火尚明。夜來郎見訪。但聽剪刀聲。
剪袖私成約。紅綃劈半鴛。明朝隣女至。鸚鵡莫多言。

早起

愁人苦不寐。獨起倚清歌。日色雖然早。其如歲暮何。

偶成

芙蓉開金塘。白鷺立躊躇。白鷺不看花。所看花下魚。
空齋寂無人。蟬聲聒朝暮。清高吾已知。無勞苦相訴。

貧家婦

妾方績麻罷。郎正負薪還。相對且相慰。作家良自難。

題畫秋海棠

自君之出矣。時卉變庭陰。願邀明月影。迴憐秋草心。

題畫蘭

幽蘭雖芬芳。靈均自憔悴。三戶寂無人。託根在何地。

曉

浴日半猶溼。紫金光沸天。蛟龍性雖懶。目眩不成眠。

新柳

高樹發新綠。參差斜照中。芳心寄楊柳。搖蕩任春風。

胡姬

朝騎駿馬出。夜向穹廬宿。却笑漢家女。閉門嘆幽獨。

題畫

紅艷隨風落。春流薄暮寒。多情雙燕子。臨水更相看。

題寄葉梅友

梅友別來久花前恒見思瓊枝應自愛莫使北風吹
雨中梨花

風雨晚淒淒梨花一樹低不愁花易謝所恨是沾泥

愁

愁緒今如此何如一死安獨憐我死後明月阿誰看
做六朝體

莫言粟酒薄罍中不曾刺阿翁不嫁女生兒那知姓
儂家住溪南郎家住溪北隔溪望芙蓉灼灼好顏色

瀟湘八景

山市晴嵐

衡山多烟霧無繇識群峰今朝獨了了插天青芙蓉

漁村夕照

夕陽映平林遙村轉蒼翠賣魚那論錢但取營一醉

平沙落鴈

連翩下雲際相喚宿寒塘夙有隨陽性非關戀稻梁

遠浦歸帆

一聽竹枝曲便增賈客愁風帆歸莫後少婦正憑樓

瀟湘夜雨

篷窗夜輾轉更覺雨聲多併將逐臣淚添作洞庭波

滄江暮雪

涔陽草木衰朔雪被千里豈無蛟與龍蠖伏良有俟

洞庭秋月

一片空明月湖天相混融
免伏水晶闕龍臥琉璃宮
烟寺晚鐘

樵徑人已稀
歸禽滿煙樹
鐘聲不怕晚
隨風度溪去

題沈騶士小照

本画一騶士翻驚筆墨頻
梅花與花影相對共三人

至前見長星口占

匹練亘空明遙看意自驚
年荒恒斷飲無酒勸長星

長城

濯足長城窟輕軀箭鏃多
起行戍樓上滿壁是烟蘿

古驛

古驛靜凝塵顏垣掛雨痕
北風休更急吹散漢時魂

紫玉

甲夜明珠出清歌怨憤傳
黃壚不覺曉紫玉自成烟

偶題

乘閒卽騎馬茫茫詣空陂
遇酒卽酩酊君知我為誰

顧頴集

華亭吳

騏日千著

七言絕句

和張吳東先生秋圃閒吟

蒹葭蕭艾滿溪濱
自起腰鎌付束薪
此日芟夷殊費力
從前滋蔓是何人
芟草

菊蕊離披倚檻斜
繁枝摘罷獨咨嗟
人間晚節非容易
莫使秋風亂著花
剔菊

一灣碧玉小橋東
石澗潺潺曲自通
聞道粵江波浪濶
只愁船渡有狂風
弄泉

暮雲收盡楚天青
銀漢高寒玉露零
誰伴孤臣雙淚落

數聲殘葉下空庭

聽落葉

秋實離離映夕陽。珠璣分佐酒卮香。十年無復鸞凰集。

打折高枝總不妨。

打梧桐

歌枝礙路須斤斧。直節參雲好護持。莫向秋篁辨邪正。

笋芽纔發已先知。

刪竹

碧瓦霜華昨夜新。拒霜顏色迥無倫。欲張錦幔前溪上。

莫使輕寒到美人。

辜芙蓉

寥落西風院宇涼。預培芳草待東皇。人間春色無多子。

一粒微茫萬斛香。

下花子

鬼語

夫余亦安知處境之至此乎。余又安知出語之至

此乎。憶十年前曾著小賦。末云生當長嘯兮。死則

浩歌死而勿樂兮。生當奈何。嗚呼亦可哀矣。

古墓縱橫三五里。髑髏雨過含新水。東風日暮偶然來。

紙錢楊花一齊起。

古墓

幽篁千里迷日月。山鬼呼人見還沒。獾狸食飽一無事。

群坐塚上弄枯骨。

幽篁

茂陵枯柏自嶮岉。露重珠襦馬上寒。獨與銅人相對哭。

淒涼殘月下金盤。

茂陵

魯王遺殿獨亭亭。梁上苔痕一寸青。何處忽聞聲窸窣。

蛇銜雛雀下窓櫺。

魯殿

鏡面銅花雜翠緋。步搖零落散珠璣。紅衫化盡雙蝴蝶。

自採梧桐製舞衣

宮人斜

送計子山往禹州

有序

子山纔歌車牽便逐征帆雖硯田常稔有同冀
缺之躬耕而雒酒孤斟終異風人之式飲嗟乎
顧此善懷豈無膏沐自憐意氣何用錢刀離亭
贈句擬三聲悽斷之猿故國縈心同十里徘徊
之鶴書之便面用勸遄歸

行色怱怱不可留流黃機杼正清秋可憐四壁真無計
園令何曾愛遠遊

裁衣燒燭夜窓虛密線純綿恨有餘豈是大梁無一客
遠勞書札召相如

送別河湄把酒卮新涼衣袂未寒時賓朋莫贈相思句
自有璇璣宛轉詩

縹緲輕帆百里餘高樓望斷更躊躇
雜中聞說多珍異
寶鏡名香數寄書

黯淡秋雲接地垂孤蓬愁對雨絲絲
祇言作客生平慣
不道今朝悵別離

計程君到禹州時金鏡飛天桂滿枝
應與沈郎相顧笑
花前同是瘦腰肢

火急軍書洱海西五更霜冷手封題
翻思故國春眠晏
日午花間百舌啼

經年蟬鬢總飛蓬隔歲玄禽又塞鴻
不必寄君招隱句

預知歸思滿秋風。

塞上

轅門閱射綺裘輕。鵬鶚盤空落日明。驀地暴風吹虎帳。戒嚴今夜自巡城。

塞下

城頭霜月冷雕弧。北望陰山白草枯。陣陣黑雲如野馬。遙知山外駐單于。

雪花如掌撲兜鍪。飽食嚴裝出肅州。倍道兼行三百里。黎明已得右賢頭。

題維神

雒水波光映彩裾。鏤金香枕夢猶虛。陳王今在遮須國。

惆悵無人與寄書。

詠芙蓉

秋水斜陽花幾重。娟娟不減麗人容。翻疑一曲清溪上。便是巫山六六峯。

水國朝寒霜幾重。芙蓉不改舊時容。江光如鏡花如面。眉黛參差列遠峯。

送錢塘許上舍謁選

西子湖頭春水碧。東華門外曉雲紅。不知兩地真誰勝。送爾輕帆一望中。

題林子白畫壁

複嶺層巒望不窮。數椽茅屋映青楓。人間避地嗟無策。

真擬移家入畫中

看芙蓉

芙蓉千樹露華新
洛浦耶溪是後身
却羨波間花影好
鏡中人勝帳中人
一片明霞照水濱
花間翡翠更娛人
但令老眼能歡適
安見秋風不是春

看牡丹

密蹙花苞未吐時
金樽檀板正相宜
但令嫩蕊朝朝在
不恨今年春事遲
艷態穠香劇可憐
薄雲絲雨暮春天
生平國色何曾見
每到花前輒惘然

送六益入都

把酒重歌樂府詞
菊裳金羽最光儀
稻梁只有長安好
黃鵠三飛太液池

無題

剪取東華五色雲
製成懸圃六銖裙
璇宮一別人如夢
無限離愁難寄君

戲題美人鏡背

輕霞艷雪粉初勻
却月涵烟事事新
國色從來本無二
何緣復有鏡中人

贈沈抱日

予友李淡公歿後及門沈抱日葬之抱日身居市廛家僅儋石乃能勉力為此真義士也因賦

詩贈之

問字亭空草色殷。侯芭負土自成墳。龜檀竒樹今凋落。不負師恩獨有君。

嘯月樓

高閣涼風歲載陰。一聲清嘯欲霑襟。司州主簿今安在。明月淒然萬里心。

嘯月樓頭獨坐時。十年心事竟參差。盧諶最是無才者。慙負當年越石詩。

宮詞

大駕傳呼出紫微。山龍烜赫射朝暉。南陽公主應相笑。文叔從來喜絳衣。

未央置酒讌群公。咫尺天顏笑語通。麥飯兔肩空話舊。可憐明月滿深宮。

鳳輦春游太液池。鏡槃巾拂鬪腰肢。君王賞賜多從儉。不及先朝武帝時。

塞下曲

正月金城連日雪。山谷幽阻樵採絕。皇帝敬問後將軍。袍罕羗人幾時滅。

四牡駢駢出玉門。詔持繒帛賜烏孫。為言侍子今無恙。初在京師讀魯論。

此詩用意甚熟。陳其年《篋衍集》云。

牡丹

玉奴羯鼓不停撾。一曲清平駐歲華。舞馬當年范陽去。

詩贈

問字亭空草色殷。侯芭負土自成墳。龜檀竒樹今凋落。不負師恩獨有君。

嘯月樓

高閣涼風歲載陰。一聲清嘯欲霑襟。司州主簿今安在。明月淒然萬里心。

嘯月樓頭獨坐時。十年心事竟參差。盧諶最是無才者。慙負當年越石詩。

宮詞

大駕傳呼出紫微。山龍烜赫射朝暉。南陽公主應相笑。文叔從來喜絳衣。

未央置酒讌群公。咫尺天顏笑語通。麥飯兔肩空話舊。可憐明月滿深宮。

鳳輦春游太液池。鏡槃巾拂鬪腰肢。君王賞賜多從儉。不及先朝武帝時。

塞下曲

正月金城連日雪。山谷幽阻樵採絕。皇帝敬問後將軍。袍罕羗人幾時滅。

四牡駢駢出玉門。詔持繒帛賜烏孫。為言侍子今無恙。初在京師讀魯論。

此詩用意甚熟。陳其年《遜行集》云。

牡丹

玉奴羯鼓不停撾。一曲清平駐歲華。舞馬當年范陽去。

減

何減承華殿裏時
荒村多病廢逢迎
喜遇今朝謦咳聲
四十年來交漸少
白頭兄弟最多情

送姚道人

有序

夫陰陽為炭億兆皆入冶之金天地為羅百六
下龜劉之令然或娑竭海中屢約不溼昆嵐風
裏衣帶無搖此葛玄所以傲睨于吳中而元放
所以徜徉于鄴下也雲螭道人烟霞秉質松桂
為心雖噓離吸坎久傳却老之方而騎日捫星
未得飛昇之術是用擔瓢荷笠訪道尋師指白
石以為糧望翠微而覓路所冀萬仞懸崖忽垂
鐵鎖千重弱海或遇飈車覽八角之赤文探七
諱之靈藥入寥陽而賜讌游閭苑而鳴鑣塊脫
三山杯看四海此誠仙緣之所感召而非塵世
之可挽留也各賦新詩以祖鶴駕

笑指歸途是碧虛
臨歧不必悵離居
若逢王母三青鳥
好向人間數寄書

芙蓉峰頂見紅雲
樓閣參差草樹芬
花下數人頽似玉
不知誰是紫陽君

題布袋和尚像

兜率天宮百寶裝
暫來塵世一空囊
願將世界囊中貯
莫與波旬作戰場

贈汪長源

扶杖行吟雪滿頭。一樽坐對輒忘憂。自言太學論交日，猶喜曾陪郭泰遊。

重過熙園

蔬圃參差路欲窮。頽垣碧蘚自春風。白頭重到熙園裏，花木樓臺一夢中。
游屐何曾問野烟。老農老圃謾留連。翻泥偶得金釵股，抱甕常分玉甃泉。

卽事

窀穸初成奠一卮。門生心力盡于斯。橐泉不肯埋秦穆，蕭史空勞擁厚貲。

同出河汾夫子門。相看僅有兩人存。鶉衣慟哭荒墳側，慚負當年國士恩。
越國王孫雪滿顛。竹林疇昔共周旋。一聲隣笛千行淚，生死交情五十年。

黃牡丹

群芳各自負雄材。萬紫千紅壁壘開。畢竟真王原有屬，大旗新裏侍中來。

八月十二枕流閣坐月

虛窓面面納湖光。月出東南水氣涼。梵唄漸銷鐘磬寂，微風何處藕花香。
琉璃千頃碧沉沉。水月光中坐夜深。此際蛟龍應起舞。

明珠斗大在波心

中秋坐枕流閣待月

待月樓頭倚檻頻。濛濛雲氣接湖濱。恰如重疊鮫綃帳。
苦憶其中有麗人。月色昏昏興不孤。攜朋燃燭倒金壺。那知柳上中秋節。
翻似瀟湘夜雨圖。

中秋夜枕流閣贈僧

綺筵歌舞滿城中。烏履參差醉眼紅。獨有老僧真供養。
清光一片與心同。

贈鎧一上人

剎那便具三祇劫。何況經今三十年。坐聽塔鈴相告語。

晚晴雲盡月當天

送友

翩翩書記阮元瑜。十載中州慣道途。重向舊遊殊不惡。
臨歧何事轉踟躕。

趙子昂画馬為宋繩謨題

遠涉流沙入漢宮。長鳴閭闔歎涼風。玉孫本是天閑種。
却入蒲梢外廐中。

元夕

東風簾幙散輕寒。萬戶燈花照綺紈。共向五茸城上望。
翻疑天寶盛時看。

題画雙白兔

迷離撲朔兩依依非復山中舊
褐衣春暖尚驚殘雪在
夜深應向廣寒歸

題画南瓜

連年蝻螘苦無收
所喜瓜壺畧有秋
記得汴梁圍正急
百金高價競相酬

東坡笠屐圖為胡次林題

孤臣南竄踰溟海
躑躅荒郊雨滿身
異日鑿輿祀風雪
始知朝宁久無人

閨情

彊環小鳳刻黃金
佩帶同蟠五色心
一自東郊踏青後
不知何事最沉吟

閨中春暮

留春無計怨東風
拾取飛花貯篋中
碧玉闌邊多隙地
手營新塚葬殘紅

贈丁逢吉

時在林溪書屋為寫予與弘濟子山談詩圖

丁侯繪事若通神
肯寫荒山老衲身
遠憶雲臺生浩歎
廣平司馬獨何人

木石蕭疎碧蘚滋
衰顏不減歲寒姿
閒來展卷欣然笑
恰似澄潭照影時

徐繼袞招飲花下

多病經年絕送迎
藤梢橘刺掩柴荆
無端芍藥相招引
緩步春風一里程

題張曲林画

白石蒼苔曲徑分
梵宮金碧倚斜曛
山腰一片鴻濛氣
猶是堯時舊白雲

題丘真人像

西域真人混九垓
蒲輪萬里問蓬萊
老聃一去流沙後
只有先生往復回

題胡南武觀瀑布小影

月寒直下千尋雪
風急橫飛萬斛珠
絕頂有蓮開徑丈
肯流一葉到予無

題朱慎威小影

八表驚塵莫可支
深山猶是永和時
無煩少長衣冠會

獨對神仙冰雪姿

寄宋次王

張文昌有詩曰開州五月車前子
治目開明若有神
慚愧文君憐病眼
三千里外寄閒人次王
亦患文昌之疾
不知三千里外有相憶者
否書以問之

宋玉當年入帝都
自將才貌動燕姝
歸來病目還高臥
曾寄車前子到無

題張子重小像

滿目風塵志未酬
息機聊自託林丘
昨宵夢入廬山路
瀑布聲中認舊遊

水墨梅花為黃霞建題

生憎施粉與施朱
換骨玄都亦自殊
瘦影冷香題不列
五更風雨暗西湖

水墨牡丹為黃南士題

奪將米老雲山筆
幻作慈恩寺裏花
昨夜月明漁似畫
姚黃分影上窗紗

書李舒章詩後

胡笳曲就聲多怨
破鏡詩成意自慙
庾信文章真綺麗
可憐江北望江南

蔣致和畫為李長發題

絕壑幽巖屋數椽
千章松檜自蒼然
何當澗水衝橋斷

便與塵中隔一天

題畫漁樵問答

空山間寂憑樵斧
雲海蒼茫托釣絲
偶爾相逢
遠問訊
人間甲子是何時

游橫雲山有感

小艇攜尊指翠微
懷人不見悵斜暉
丹山碧嶂誰為主
野鶴閒雲相背飛

沈子居畫為高閔庵題

巖壑迴環擁草亭
女蘿松柏畫冥冥
何當直上巔立
萬里無雲遠岫青





